


第十三本

八書

歷書

天官書

史記評林



史記評林卷之二十六

吳興凌稚隆輯校

歷書第四

史記卷之二十六

莆田柯維熊校正

昔自在古歷建正作於孟春

索隱曰按古歷者謂黃帝調歷以前有上

元太初歷等皆以建寅為正謂之孟春也及顓頊夏禹亦以建寅為正唯黃帝及殷周魯竝建子為正而秦正建亥漢初因之至武帝元封七年始改用太初歷仍以周正建子為十一月朔旦冬至改元太初歷焉今按此文至於十二月於時冰泮發節皆出大戴禮虞史伯夷之辭也

蟄百草奮興秭鳩先澤

徐廣曰秭音姊鳩音規子

曰秭鳩先澤謂子鳩鳥春氣發動則先出野澤而鳴也又按大戴禮作瑞鳩無釋未測其旨當是字體各有訛變耳鸛音弟鸛音桂楚詞云慮鸛鳩之先鳴使夫百草為之不芳解者以鸛鳩為杜鵑也
物迺歲具生於東次順四時卒于冬分時

余有丁曰按澤或作澤澤字本音泉則作澤者似有來歷

春曰中統新鳩中統新本說鳩本鳩

迺行本

中統本謂說冒下皆同

冬中統說名

澤本澤

音中統說百
鸛宋本作鸛
本同

正行至本同吳校音注疏

易言卷之三 曆書

律反分如字卒盡也言建歷起孟春盡季冬則一歲之事具也冬盡之後分爲來春故云冬分也

雞三號卒明徐廣曰卒一作平又云卒斯也。索隱曰三號三鳴也言夜至雞三鳴則

天曉乃始爲正月一日言異歲也徐撫十二節卒

于丑正義曰撫猶循也自平明寅至雞鳴丑凡十

明幽日月成故明也明者孟也幽者幼也幽明者雌

雄也雌雄代興而順至正之統也日歸于西起明

於東月歸於東起明于西正不率天又不由人索隱

曰此文出大戴禮是孔子稱周太史之詞則凡事易壞而難成矣王者

易姓受命必慎始初改正朔易服色推本天元順

承厥意索隱曰言王者易姓而興必當推本天之元氣行運所在以定正朔以承天意故云

承順厥意也

太史公曰神農以前尚矣蓋皇帝考定星歷

索隱曰系

本及律歷志黃帝使羲和占日常儀占月史區占

星氣僂倫造律呂大撓作甲子隸首作算數容成

綜此六術而建立五行起消息正義曰皇侃云乾

陰死爲正閏餘漢書音義曰以歲之餘爲閏故曰

消也閏餘。正義曰鄧平落下閏云一

月之月二十九日八十一分日之四十八按計其

餘分或閏故云正閏餘也每一歲三百六十六日

日大計三十三月則一閏之耳於是有天地神

祗物類之官正義曰應劭云黃帝受命有雲瑞故

算打至本 侃殿初至本 中後本四餘 字皆作余以 下多誤 八吳校疏三

史記卷之三

曆書

二

張鳳

皞字或作皞

吳校正文存改屬靈隱剛字或作三字又屬古字作古屬

明德。民神異業。敬而不瀆。故神降之嘉生。應劭曰嘉穀也

民以物享。正義曰劉伯莊云物事也災禍不生。所求不匱。少皞氏之衰也。九勑亂德。漢書音義曰少皞時諸侯作亂者

民神雜擾。不可放物。索隱曰放音助依也禍菑荐至。莫盡其氣。索隱曰荐音在見反荐集也顓頊受之。乃命南

正重司天以屬神。命火正勑司地以屬民。應劭曰勑音地以屬萬民。索隱曰火數二二地數也故火正司地以屬萬民。此言南者劉氏以為南字誤非也蓋重勑二人元是木火之官兼司天地職而天是陽南是陽位故木亦是陽所以木正為南正也而火是地正亦稱北正者火數二二地數地陰主北方故火正亦稱北正為此故也臣瓚以為古文火字似北未為深得也

使復舊常。無相侵瀆。其

柯維騏曰太史公此文前後百餘言皆採國語而稍刪省其云二官咸廢所職而閏餘乖次孟陬殄滅攝提無紀曆數失序此則太史公所增者也漢書劉向傳昔孔子對魯公並言夏桀商紂暴虐天下故曆失則攝提失方孟陬無紀太史公蓋述孔子之言耳

後三苗服九勑之德

正義曰孔安國云三苗緡雲氏之後諸侯也按服從也言

九勑亂德故南北二官皆廢使歷數失序故二

官咸廢所職而閏餘乖次孟陬殄滅攝提無紀曆

數失序漢書音義曰次十二次也史推歷失閏則

與正歲相值謂之殄滅攝提星名隨斗杓所指建

十二月若歷誤春三月當指辰而指巳是謂失序

攝提貞乎孟陬言歷數乖誤乃使孟陬殄滅不得

其正也天官書云攝提三星若鼎足句直斗杓所

指以建時節故為攝提格格至也言攝隨月建至

故云堯復遂重勑之後不忘舊者使復興之而立

義和之官明時正度則陰陽調風雨節茂氣至民無天疫年者禪舜申戒文祖云徐廣曰戒一作敕正義曰言於文

中統本提字貞作正字柯本作于

吳校全板及中統本與作與

災本災注

柯維騏曰堯舜禹
以天之曆數相告
戒朱子謂帝王相
繼之次序猶歲時
氣節之先後史遷
班固直以此為造
曆之事非也

祖之廟以天之曆數在爾躬何晏曰曆數謂列次也舜亦以

命禹命已之辭命禹也由是觀之王者所重也

夏正以正月殷正以十二月周正以十一月蓋三

王之正若循環窮則反本天下有道則不失紀序

無道則正朔不行於諸侯幽厲之後周室微陪臣

執政史不記時君不告朔鄭玄曰禮人君每月告朔於廟有祭謂之朝享

故疇人子弟分散如淳曰家業世世相傳為疇律年二十三傳之疇官各從其父

學索隱曰韋昭云疇類也孟康云同類之人明歷者也樂彥云疇昔知星人也或在諸

夏或在夷狄是以其機祥廢而不統如淳曰呂氏春秋荆人鬼

而越人機今之巫祝禱祠淫祀之比也晉灼曰機音珠幾之機周襄王二十六年

幾中統何王本作機

歸邪音餘於終章昭曰中統何王本

歸邪音餘於終章昭曰中統何王本

閏三月而春秋非之先王之正時也履端於始韋昭曰氣在

曰謂正歷必先稱端始也舉正於中韋昭曰氣在若十一月朔旦冬至也

昏明皆歸邪於終邪音餘韋昭曰餘餘分也終閏正也中氣在晦則後月閏在望

是其正履端於始序則不愆舉正於中民則不惑

歸邪於終事則不悖其後戰國並爭在於疆國禽

敵救急解紛而已豈遑念斯哉是時獨有鄒衍明

於五德之傳正義曰傳音竹戀亦因下疑有缺文而散消息之分以

顯諸侯而亦因秦滅六國兵戎極煩又升至尊之

日淺未暇遑也而亦頗推五勝漢書音義曰五行相勝秦以周為火

用水勝而自以為獲水德之瑞更名河曰德水而

閏中統本

虞文

舜王本訛

按正以十月乃以建亥之月為正月程伊川云事之謬秦以建亥之月為正月是已

漢得中統柯王本
作漢德

按考要云落下或云姓或云地名所造曆即太

正以十月正義曰正音征以秦始皇名諱之故改也色上黑然歷度閏餘未能睹其真也漢興高祖曰北時待我而起亦自以為獲水德之瑞雖明習歷及張蒼等咸以為然是時天下初定方綱紀大基高后女主皆未遑故襲秦正朔服色至孝文時魯人公孫臣以終始五德上書言漢得土德宜更元改正朔易服色當有瑞瑞黃龍見事下丞相張蒼張蒼亦學律歷以為非是罷之其後黃龍見成紀張蒼自黜所欲論著不成而新垣平以望氣見頗言正歷服色事竇幸後作亂故孝文帝廢不復問至今上即位招致

中統柯王本

初曆也漢志載其法一本于律然其考驗星度又有渾天之制焉說者謂渾天即虞舜璿璣玉衡之遺法也蔡邕曰言天体者有三家一曰周髀二曰宣夜三曰渾天惟渾天者近得其情揚子雲曰洛下閎營之鮮于妄人度之耿中丞象之庶幾乎莫之能遠也未子謂子雲知曆法又知曆理而有取于閎如此

方士唐都分其天部

漢書音義曰謂分部也

而巴落

下閎運算轉歷

徐廣曰陳術云徵士巴郡落下閎也。索隱曰姚氏案益部者舊傳云閎字長公明曉天文隱於落下武帝徵待詔太史於地中轉渾天改顛項歷作太初歷拜侍中不受

然後日辰之度與夏正同乃改元更官號封泰山

因詔御史曰乃者有司言星度之未定也廣延

宣問以理星度未能詹也徐廣曰詹一作售也。索隱曰漢書作讎讎即

不歿名察度驗定清濁起五部建氣物分數應劭曰言

黃帝造歷得仙名節會察寒暑致啓閉分至定清濁起五部五部金木水火土也建氣物分數皆敘

窮已故曰不死清濁律聲之清濁也五部五行也

敘詳林別本

四時四時本為五行也為五行也

山庫考證云道下衍義字
景下衍人字並據續漢
書刪

細績中後王本續
皆作績

余有丁曰按前漢
紀太初元年夏五
月正歷以正月為

天有四時為五行也氣二十四氣物萬物也分歷
數之分也贊曰黃帝聖德與虛合契升龍登仙於
天故曰合而不死題名宿度候察進退謂三辰之
度吉凶之驗也。索隱曰臣贊解為得案漢書作
名察發歛景昭云發散擊斂也又續漢書以為道
義之發歛景昭人之長短則發斂是日行道去極盈
縮者也。然蓋尚矣。書缺樂弛。朕甚閔焉。朕唯未能循
明也。細績日分。索隱曰細音宙又如字細績者女
工細緝之意以言造歷算運者猶
若女工緝也。率應水德之勝。徐廣曰蓋以為
應土德土勝水今日順
夏至。索隱曰謂夏
至冬至也黃鐘為宮。林鐘為徵。太簇為商。
南呂為羽。姑洗為角。自是以後氣復正。羽聲復清。
名復正變。以至於子日當冬至。則陰陽離合之道行
焉。十一月甲子朔旦冬至已詹。其更以七年為太

四庫考證云四下衍年字據
漢志刪。吳夜亦刪年字

歲首索隱作建子
者蓋律元起數必
從子始此所云夜
半冬至者即為逢
攝提格歲之子月
也此時曆无余分
故下云无大小余
其正朔自以寅月
起數下云太初元
年大餘五十四云
云者即謂此年寅
月以後便有餘分
者為建寅甚明

柯維騏曰按歐陽
公作司天考曰天
人之際遠哉微矣
而使一藝之士布
筭積分上求數千
萬載之前必得甲
子朔旦夜半冬至

初元年。索隱曰改元封七年為太初元年。然漢始
元年。韋昭云漢興至此百二歲。案律歷志云乃以
前歷上元太初四年千六百一十七歲至元封七
年復得闕逢攝提之歲中冬。十一月甲子朔旦冬
至也。日歲陰在寅左行。歲星在丑右行。索隱曰爾雅
云歲在甲曰馬。逢寅曰攝提格。則此甲寅之年十
一月甲子朔旦夜半冬至也。此篇未亦云寅名攝
提。則是甲寅不疑也。又據二年名單闕三年名執
徐等年次分明。而漢志以為其在丙子。當是班
固用三統與太初歷不同。故與太史公說有異。而
爾雅近代之作。所記年名又皆不同也。月名畢聚。
蘇林云左行右行。歲與星行所在之次。月名畢聚。
日得甲子夜半朔旦冬至。文頴曰律居陰而治陽
間不容期。忽五家文悖異。推太初之元也。索隱
曰聚音娠。案僖公云天元之始於十一月甲子夜
半朔旦冬至。日月若連珠。俱起牽牛之初歲。雄在
闕逢。雌在攝提。格月雄在畢。雌在訾。訾則娠。訾之

僖公中後王本續
未改作慶喜

史記卷三十一

卷三十一

下

何仲仁

穎中
穎中

漢中
漢中

在吳校改甲

而日月五星皆會于此謂之上元以為曆始蓋自漢以後其說始詳于世

宿日雄在甲雌在子在是陽氣支干之首也

歷術甲子篇

索隱曰以十一月朔旦冬至得甲子命甲子是陽氣支干之首故以甲子命

歷術為篇首非謂此年歲在甲子也

太初元年歲名焉逢

索隱曰甲歲雄也漢書作攝闕逢亦音焉與此音同

提格

索隱曰寅歲陰也此依爾雅甲寅也

月名畢聚

索隱曰謂月值畢及姬訾也畢月雄也聚月雌也

日得甲子

索隱曰謂十月冬至朔

二十三 吳校作二十九

二百八分 吳校作三百四十分

二十八分 柯至本三作四吳校剛二字

旦得甲子也。正義曰置大餘五十四算每年加五十四日滿六十日除之奇算留之每至閏後一年加二日明年云無大餘無小餘也又明年以置五十四算如上法置小餘三百四十八算每年加三百八分滿九百三十八分成一曰歸上餘算留之若至閏後一年加八百四十七分亦滿九百三十八分成一曰歸大餘奇留之明年以加三百四十八

丙子統記

柯至本皆作算

加五日 吳校加上增每年一守日改算日柯至本作百

中法本月作也

夜半朔旦冬至

索隱曰以建子為正故以夜半為朔其至與朔同日

八算如也。正義曰置大餘五算加五則滿六十日則除之後年更置五算如土法置小餘八算每年加八算滿三十二分為一曰歸大餘後年更置八算如上法大餘者日也小

正北也。然每歲行周天全度外餘有四分一以云正北也。然每歲行周天全度外餘有四分一以十二辰分之終至常居四仲故子年在子丑年在卯寅年在午辰年在酉至後十九年章首在酉故云正西其正南正東並准此。正義曰黃鐘管子時氣應稱正北順行四時仲所至為正月一日是歲之始盡一章十九年黃鐘管應在酉則稱正西他皆

十二 索隱曰歲有十二月 無大餘 無小餘 放此 有閏則云十三月 無大餘 無小餘 索隱曰其歲甲子朔旦日月合於牽牛之初餘分皆盡故無大小餘 正義曰無大小餘者以出閏月之歲有三百五十四日三百四十八分除五甲三百日餘有五百四十四日三百四十八分緣未滿六十

者中統柯至本有

一統記二

准至本作準

日故置為來年大小餘亦為太初元年日得甲無
子朔旦冬至前年無奇日分故無大小餘也
大餘 無小餘 索隱曰上大小餘朔之大小餘此
謂冬至大小餘冬至亦與朔同日

並無餘分至與朔
法異故重列之

焉逢攝提格太初元年 索隱曰漢志太初元年歲
在丙子據此則甲寅歲爾

雅釋天云歲陽者甲乙丙丁戊己庚辛壬癸十二
是也歲陰者子丑寅卯辰巳午未申酉戌亥十二
支是也歲陽在甲云焉逢謂歲干也歲陰在寅云
攝提格謂歲支也。正義曰焉音於乾反後同

十二

大餘五十四 索隱曰歲十二月六六六小
合三百五十四日以六除之

五六三十除三百日餘五十四日故下云
大餘者日也。正義曰月朔旦甲子日法
也

小餘三百四十八 索隱曰太初歷法一月
之日之四百九十九每兩月合成五十九日
又餘五十八今十二月合餘六箇五十八
得此三百四十八數故云小餘者月也。○

正義曰未滿日之分數也其分每滿九百
四十則成一歲除小月六日則成三百五
十四日除五甲三百日猶餘五十四日為
未滿六十日故稱大餘五十四小餘三百

四十八者其大數五十四之外更餘分三
百四十八故稱小餘三百四十八也此大
小餘是月朔甲子日朔以出閏月之數一
歲則有三百五十四日三百四十八分每
六十日之餘為未滿六十日故有大
小餘也。是太初元年奇日奇分也

大餘五 索隱曰周天三百六十五度四分
之一日行一度去歲十一月朔
在牽牛初為冬至今歲十一月朔
至牛初為一周以六甲除之六六三十六

索隱曰周天三百六十五度四分
之一日行一度去歲十一月朔
在牽牛初為冬至今歲十一月朔
至牛初為一周以六甲除之六六三十六

索隱曰周天三百六十五度四分
之一日行一度去歲十一月朔
在牽牛初為冬至今歲十一月朔
至牛初為一周以六甲除之六六三十六

者吳校改

除吳校增
此吳校增

牽吳校增

九百吳校增

餘下更餘同
也吳校增

朔吳校改法

三月朔至同
吳校月作日

月吳校改日

除三百六十餘五故云大餘五也。正義曰冬至甲子月法也。

小餘八 索隱曰即四分之一小餘滿三十

餘八明年又加入得十六故下云小餘十六次明年又加入得二十四故下云小餘

二十四又明年加入得三十二為滿故下云無小餘並可依太初歷法行之也。○正

義曰未滿日之分數也其分每滿三十二則成一曰即歸上成六日矣大餘五者每

歲三百六十五日除六甲三百六十日猶除五日故稱大餘五日也小餘八者每歲

三百六十五日四分日之一則一日三十分是一歲三百六十五日八分故稱小

餘是冬至甲子日法未出閏月之數每六十日除之為未滿六十日故有大小餘也此是太初元年

奇日奇分也

端蒙單闕二年

徐廣曰單闕一作壹安。○索隱曰端蒙乙也爾雅作旃蒙單闕卯也

吳校耶去二年二字下三年四年等字並吳校所刪

除吳校改餘日吳校刪

八也此大小餘在故稱小餘下吳校增四字

錢文唐曰抱經盧先生曰二年三年疑皆後人妄加觀索隱正義注可見矣而歲名則皆太史公原文蓋總計

又十六年為一節之數又得十一月朔旦冬至之歲故疑以為褚先生及後人兩續者皆考之不審也今當刪去二年三年之類則成太史公之完書按先生所謂二年三年者乃是承前太初元年之文今皆刪去矣

索隱中二年二字吳校增下三年四年等字皆吳校所補

按游兆丙也索隱避唐諱故云景

丹過二音又音蟬焉歲在乙卯也。正義曰單音丹又音特連及闕音烏葛反又於連反

大餘四十八 小餘六百九十六

大餘十 小餘十六

游兆執徐三年 索隱曰游兆景也爾雅作柔兆執徐辰也。正義曰三年丙辰歲也

十二

大餘十二 小餘六百三

大餘十五 小餘二十四

疆梧大荒落四年。索隱曰疆梧丁也大荒落巳也。正義曰梧音語四年丁巳歲也

也 十二

吳校荒作芒索隱荒落二字作芒

六吳校全板及中後五並作三

云

吳校鄂去正文天漢元年
四字索隱未增天漢元
年四字以下皆同此例

大餘七

小餘十一

大餘二十一

無小餘

徒維敦牂天漢元年

索隱曰徒維戊也敦牂午也
正義曰牂音作郎反天漢

元年戊午歲也

閏十三

大餘一

小餘三百五十九

大餘二十六

小餘八

祝犁協洽二年

索隱曰祝犁巳也爾雅作著雍協洽未也。正義曰二年巳未歲也

十二

大餘二十五

小餘二百六十六

大餘三十一

小餘十六

商橫涖灘三年

索隱曰商橫庚也爾雅作上章涖灘申也本作赤奮若非也天官書

吳校涖灘改赤奮若
涖灘申也本作赤奮若
六字非也
汭漢 吳校涖灘音注
汭漢 汭漢二字

及爾雅申為涖灘丑為赤奮若今自太初巳來計歲次與天官書不同者有四蓋後之歷術改也。正義曰涖音吐魂反灘音吐丹反又作涖漢字音與上同三年庚申歲也

大餘十九

小餘六百一十四

大餘三十六

小餘二十四

昭陽作噩四年

索隱曰昭陽辛也爾雅作重光作噩酉也。正義曰四年辛酉歲也

閏十三

大餘十四

小餘二十二

大餘四十二

無小餘

橫艾淹茂太始元年

索隱曰橫艾壬也爾雅作玄默淹茂戌也。正義曰元年

閏 吳校改
四庫考證云默訛默據
爾雅改

非吳校改申
索至本甲
作廿

協吳校作

壬戌

十二

大餘三十七

小餘八百六十九

大餘四十七

小餘八

尚章大淵獻二年

索隱曰尚章癸也爾雅作昭陽大淵獻亥也一本作困敦非也

天官書子為困敦與爾雅同二年

閏十三

大餘三十三

小餘二百七十七

大餘五十二

小餘一十六

焉逢困敦三年

索隱曰焉逢甲也困敦子也一本作大淵獻非也天官書云亥為大

淵獻與爾雅同正義曰

十二

大餘五十六

小餘一百八十四

大餘五十七

小餘二十四

端蒙赤奮若四年

索隱曰端蒙乙也赤奮若丑也一本作滂難非也天官書申為

滂難與爾雅同四年已後自天始征和已下訖篇末其年次甲乙皆准此並褚先生所續也○正義

曰四年乙丑歲也

十二

大餘五十

小餘五百三十二

大餘三

無小餘

正義曰准前解小餘是日之餘

分也自右曆書已下小餘又非是年名復不周備恐褚先生及後人所加

游兆

徐廣曰攝提格征和元年正義曰李巡註云

而起故曰攝提格起也孔文祥云以歲在寅正月

出東方為衆星之紀以攝提宿故曰攝提以其為

閏十三

汪小校增格字

吳校大淵獻改困敦
下所刪改俱同一遵郭
氏校本

三 中統柯王本作二

此云字疑衍
吳校刪

大餘四十四

小餘八百八十

大餘八

小餘八

彊梧單闕三年

正義曰李巡註云言陽氣推萬物而起故曰單闕單闕止也

十二

大餘八

小餘七百八十七

大餘十三

小餘十六

徒維執徐三年

正義曰李巡云伏蟄之物皆敷舒而出故云執徐之也

十二

大餘三

小餘一百九十五

大餘十八

小餘二十四

祝犁大芒落四年

芒一作荒正義曰姚察云言萬物皆熾盛而大出霍然落之

故云荒落也

閏十三

大餘五十七

小餘五百四十三

大餘二十四

無小餘

商橫敦牂後元元年

正義曰爾雅云敦盛也牂壯也言萬物盛壯也

十二

大餘二十一

小餘四百五十

大餘二十九

小餘八

昭陽泮洽二年

泮一作協正義曰李巡云言陰陽化生萬物和合故曰協洽也

閏十三

大餘十五

小餘七百九十八

大餘三十四

小餘十六

橫艾涖灘始元元年正西涖灘一作芮漢○正義曰孫炎註云爾雅云涖

難萬物吐秀傾垂之貌也 十二

大餘三十九 小餘七百五

大餘三十九 小餘二十四

尚章作噩二年噩一作鄂○正義曰李巡云作鄂萬物皆落枝起之貌也 十二

大餘三十四 小餘一百一十三

大餘四十五 無小餘

馬逢淹茂三年淹一作闡○正義曰李巡云言萬物皆蔽冒故曰闡茂蔽冒也

閏十三 大餘二十八 小餘四百六十一

閏本中統本天淵獻誤作困致以後天孫炎云困致混泥也云注於此後文游北困致五年下無注此段正義則失錄於此而錄在後文彊梧大淵獻三年之下蓋沿柯王本之脫誤也當依殿本及此本改正

孫炎云柯王本有初注枝增

三統作二

端蒙大淵獻四年正義曰孫炎云淵獻深也獻萬物於天深去藏蓋也

十二 大餘五十 小餘八

大餘五十二 小餘三百六十八

大餘五十五 小餘十六

游兆困敦五年正義曰困敦混沌也言萬物初明混沌於黃泉之下也 十二

大餘四十六 小餘七百一十六

無大餘 小餘二十四

彊梧赤奮若六年正義曰李巡云陽氣奮迅萬物而起無不若其性故曰赤奮若

陽色奮迅也若順也 閏十三

此條正義閏本失錄

此字疑行吳校刪

大餘四十一 小餘一百二十四
大餘六 無小餘

徒維攝提格元鳳元年 十二

大餘五 小餘三十一

大餘十一 小餘八

祝犁單闕二年 十二

大餘五十九 小餘三百七十九

大餘十六 小餘十六

商橫執徐三年 閏十三

大餘五十三 小餘七百二十七

大餘二十一 小餘二十四

昭陽大荒落四年 十二

大餘十七 小餘六百三十四

大餘二十七 無小餘

橫艾敦牂五年 閏十三

大餘十二 小餘四十二

大餘三十二 小餘八

尚章泔洽六年 十二

大餘三十五 小餘八百八十九

大餘三十七 小餘十六

協吳校改

馬逢涪灘元平元年

十二

大餘三十

小餘二百九十七

大餘四十二

小餘二十四

端蒙作噩本始元年

閏十三

大餘二十四

小餘六百四十五

大餘四十八

無小餘

游兆闡茂二年

十二

大餘四十八

小餘五百五十二

大餘五十三

小餘八

疆梧大淵獻三年

十二

正義云孫炎云淵獻深也獻萬物於天深於藏蓋也

三
中
統
作
二

柯王本前瑞蒙大淵獻下無正義此處有

大餘四十二

小餘九百

大餘五十八

小餘十六

徒維困敦四年

閏十三

大餘三十七

小餘三百八

大餘三

小餘二十四

祝犁赤奮若地節元年

十二

大餘二

小餘二百一十五

大餘九

無小餘

商橫攝提格二年

閏十三

大餘五十五

小餘五百六十三

二
王
本
作
一

史記卷三十一

曆書

五

云

大餘十四

小餘八

昭陽單閼三年正南

十二

大餘十九

小餘四百七十

大餘十九

小餘十六

橫艾執徐四年

十二

大餘十三

小餘八百一十八

大餘二十四

小餘二十四

尚章大荒落元康元年

閏十三

大餘八

小餘二百二十六

大餘三十

無小餘

焉逢敦牂二年

十二

大餘三十二

小餘一百三十三

大餘三十五

小餘八

端蒙協洽三年

十二

大餘二十六

小餘四百八十一

大餘四十

小餘十六

游兆涸灘四年

閏十三

大餘二十

小餘八百二十九

大餘四十五

小餘二十四

彊梧作噩神雀元年

十二

卷之三十六 曆書

大餘四十四

小餘七百三十六

大餘五十一

無小餘

徒維淹茂二年

十二

大餘三十九

小餘一百四十四

大餘五十六

小餘八

祝犁大淵獻三年

閏十三

大餘三十三

小餘四百九十二

大餘一

小餘十六

商橫困敦四年

十二

大餘五十七

小餘三百九十九

大餘六

小餘二十四

昭陽赤奮若五鳳元年

閏十三

大餘五十一

小餘七百四十七

大餘十二

無小餘

橫艾攝提格二年

十二

大餘十五

小餘六百五十四

大餘十七

小餘八

尚章單闕三年

十二

大餘十

小餘六十二

大餘二十二

小餘十六

卷之三十六

曆書

三

錢

馬逢執徐四年

大餘四

小餘四百二十

閏十三

大餘二十七

小餘二十四

端蒙大荒落甘露元年

大餘二十八

小餘三百一十七

十二

大餘三十三

無小餘

游兆敦牂二年

大餘二十二

小餘六百六十五

十二

大餘三十八

小餘八

彊梧協洽三年

閏十三

大餘十七

小餘七十三

大餘四十三

小餘十六

徒維涖灘四年

十二

大餘四十

小餘九百二十

大餘四十八

小餘二十四

祝犁作噩黃龍元年

閏十三

大餘三十五

小餘三百二十八

大餘五十四

無小餘

商橫淹茂初元元年正東

十二

大餘五十九

小餘二百三十五

錢氏唐本作
二十

四
吳校金板及
許林別本有

大餘五十九

小餘八百三十五

昭陽大淵獻二年

十二

大餘五十三

小餘五百八十三

大餘四

小餘十六

橫艾困敦三年

閏十三

大餘四十七

小餘九百三十一

大餘九

小餘二十四

尚章赤奮若四年

十二

大餘十一

小餘八百三十八

大餘十五

無小餘

馬逢攝提格五年

十二

大餘六

小餘二百四十六

大餘二十

小餘八

端蒙單闕永光元年

閏十三

無大餘

小餘五百九十四

大餘二十五

小餘十六

游兆執徐二年

十二

大餘二十四

小餘五百一

大餘三十

小餘二十四

彊梧大荒落三年

十二

中統本自此以下款

大餘十八

小餘八百四十九

大餘三十六

無小餘

徒維敦牂四年

閏十三

大餘十三

小餘二百五十七

大餘四十一

小餘八

祝犁協洽五年

十二

大餘三十七

小餘一百六十四

大餘三十六

小餘十六

商橫涖灘建昭元年

閏十三

大餘三十一

小餘五百一十二

大餘五十一

小餘二十四

昭陽作噩二年

十二

大餘五十五

小餘四百一十九

大餘五十七

無小餘

橫艾闍茂三年

十二

大餘四十九

小餘七百六十七

大餘二

小餘八

尚章大淵獻四年

閏十三

大餘四十四

小餘一百七十五

大餘七

小餘十六

馬逢困敦五年

大餘八

小餘八十二

十二

大餘十二

小餘二十四

端蒙赤奮若竟寧元年

大餘二

小餘四百三十

十二

大餘十八

無小餘

游兆攝提格建始元年

大餘五十六

小餘七百七十八

閏十三

大餘二十三

小餘八

彊梧單閼二年

十二

柯王本作二十三

殿本無閏十三字四庫考證云刊本脫據監本增

四庫考證云祝犁下有十二字刊本脫今增

年名也柯王本同吳校作干乙名也疑誤

徒維執徐三年

閏十三

大餘二十

小餘六百八十五

大餘二十八

小餘十六

大餘十五

小餘九十三

大餘三十三

小餘二十四

祝犁大荒落四年

十二

右歷書大餘者日也小餘者月也端旃蒙者

年名也支丑名赤奮若寅名攝提格干丙名

游兆正北

冬至加子時

正西

加酉時

正南

加午時

正東

加卯時

此四條注文閣本皆錄入正義

索隱述贊曰歷數之與其來尚矣重黎是司容
成斯紀推步天象消息母子五勝輪環三正互
起孟陬貞歲疇人順軌
敬授之方履端為美

慶

歷書第四 史記卷之二十六
歷書之史記卷之二十六

史記評林卷之二十六

史記評林卷之二十七

吳興凌稚隆輯校

天官書第五。史記卷之二十七

唐順之曰當併漢書及晉書參看
柯維騏曰古者掌天文之官謂之天官而後世名其業亦曰天官太史公自序云掌天官不治民又曰李天官于唐都是已

各本亦作各

索隱曰案天文有五官官者星官也星座有尊卑若人之官曹列位故曰天官。正義曰張衡云文曜麗乎天其動者有七日月五星是也日者陽精之宗月者陰精之宗五星五行之精眾星列布體生於地精成於天列居錯峙各有所屬在野象物在朝象官在人象事其以神著有五列焉是有三十五名一居中央謂之北斗四布於方各七為二十八舍日月運行歷示吉凶也。五緯躔次用者禍福

茅坤曰太史公八書中當以天官書為最揚升菴以為甘石二家之遺予竊謂古者太史掌天官而史談以來世其官故于星術及風雲諸占並有經緯惜也於漢高惠文景及武帝百餘年間災異處不見點畫豈以下蠶室之后遂鑿禍刑輒諱忌邪

閣本此條正義未錄

四庫考證云徒說從據
宋史天文志及文獻通考
改

按考要云天極一名北極位在中央四方所取正故曰中宮故曰天極即孔子所謂北辰所謂居其所者也又云天極星凡五其一明者即太乙所居其旁三星或謂三公或謂子屬諸家之說不同耳晉志謂第一星主月太子也第二星主日帝王也第三星主五星庶子也其占曰中星不明主不用事右星不明太子憂乾象新書謂一主月二主日三主五行四主諸王五主

中宮天極星

索隱曰姚氏案春秋元命包云宮之為言宣也宮氣立精為神垣又文耀鉤曰中宮大帝其精北極星舍元出氣流精生一也爾雅云北極謂之北辰又春秋合誠圖云北辰其星五在紫微中揚象物理論云北極天之中陽氣之北極也極南為太陽極北為太陰日月五星行太陰則無光行太陽則能照故為昏明寒暑之限極也其一明者太一常居也索隱曰案春秋合誠圖云紫微大帝室太一之精也正義曰泰一天帝之別名也劉伯莊云泰一天神之旁三星三公正義曰三公三星在北最尊貴者也旁三星三公正義曰三公三星在北北斗魁西並為賦尉司徒司空之象主變出陰陽主佐機務占以從為不吉居常則安金火守之並為咎也或曰子屬後句四星末大星正妃音鉤句曲也援神契云辰極橫后妃四星從瑞大妃光明又按星經以後句四星名為四輔其句陳六星為六宮亦主六軍餘三星後宮之屬也環之匡衛十二與此不同也

垣中說垣垣

太極作大

柯本無端字

庶子此其說並
海太史公同

按考要云明德天乙原二星名天乙与太乙各一星並列紫宮外明德二星居紫宮內不得混而為一也

星藩臣皆曰紫宮

索隱曰元命包曰紫之言此也開閉皆在此中也宋均又以為為十宮中外位各定總謂之紫宮也前列直斗口三

星隨北端兌

索隱曰劉氏直音如字直當也又音兌值隨音他果反斗一作北案漢書天文志見作北端作端兌

若見若不曰陰德

正義曰星經云

陰德二星在紫微宮內尚書西王施德惠者故贊陰德遺惠周急賑撫占以不明為宜明新君踐極也又云陰德星中宮女王之象星動搖釁起宮掖貴嬪內妾惡之

或曰天一

索隱曰文

耀鉤曰陰德為天下劉宋均以為陰行德者道常也○正義曰天一星疆閭闔外天帝之神主戰

鬪知人吉凶明而有光則陰陽和萬物成人主吉不然反是太一一星次天一南亦天帝之神主使

十六神知風雨水旱兵革饑饉疾疫占以不明及移為災也星經云天一太一二星主王者即位令

諸立赤子而傳國位者星不欲微則廢立不當其次宗廟不享食矣紫宮左三星

鏡中說柯本有

劉毅本作綱吳校云元板剛宋板剛示

四庫考證云索隱又音值刊本值欲直據本本改
吳校云元板邪字下有此說為是也五字

災柯本亦災

四庫考證云星經營
室止二星此七字誤

說吳校及中統本作璇

按考要云七政者日月星辰也
第一曰正星主
陰德天子之象
也二曰法星主
刑刑女主之位
也三曰令星主
中禍四曰伐星
主天理伐无道
五曰殺星主中

曰天槍右五星曰天棊蘇林曰音檝打之檝○索

常昭音剖詩緯云槍三星槍五星在斗杓左右主
槍人槍人石氏星讚曰槍槍八星備非常之變也
○正義曰龍掌反天槍五星在女牀東北天
子先驅所以禦兵也占星不具國兵起也

星絕漢抵營室曰閣道索隱曰絕度也抵屬也又

輔石氏云閣道六星神所乘也○正義曰漢天河
也直度曰絕抵至也營室七星天子之宮亦為玄
宮亦為清廟王上公亦天子離宮別館也王者道
被草木營室曆九象而可觀閣道六星在王良北
飛閣之道天子欲遊別宮之道占一星不見
見則輦路不通動搖則宮掖之內起兵也

北斗七
星所謂璇璣玉衡以齊七政索隱曰春秋運斗極

璇第三璣第四權第五衡第六開陽第七搖光第
一至第四為魁第五至第七為標合而為斗文耀
一云北斗者天之喉舌玉衡屬杓魁為璇璣整長曆
云北斗七星星間相去九千里其二陰星不見者

攜本攜王本注皆
作攜

央助四旁殺有
罪六曰危星主
天倉五穀七曰
部星主兵張衡
占法若天子不
恭宗廟不敬鬼
神則第一星不
明若廣營官室
妄鑿山陵則第
二星不明或不
愛百姓驟與征
役則第三星不
明若發号施令
不順四時不明
六道則四星不
明若廢正樂務
淫声則第五星
不明若不勸農
桑不務稼穡峻
法濫刑退矣傷
政則第六星不
明若不守四方
不安夷夏則第
七星不明

相去八千里也尚書旋作璿馬融云璿美玉也璣

渾天儀可轉旋故曰璣衡其中橫筭以璿為璣以
玉為衡蓋貴天象也鄭玄註大傳言渾儀其中筭
為璇璣外規為玉衡者是也尚書大傳云七政謂
春秋冬夏天文地理人道所以為政也人道正而
萬事順成又馬融註尚書云七政者北斗七星各
有所主第一曰主日法天第二曰主日月法地第三

日命火謂熒惑也第四曰煞土謂填星也第五曰
伐水謂辰星也第六曰危木謂歲星也第七曰杓
罰金謂太白也日月五星各異故名曰七政也杓

攜龍角孟康曰杓北斗杓也龍角東方宿也攜連

內天庭黃道所經七耀所行左角為理主刑其南
為太陽道右角為將主兵其北為太陰道也蓋天
之三門故其星明大則天下
太平賢人在位不然反是也

衡殷南斗魁枕參首
晉灼曰衡斗之中央殷中也○索隱曰宋均云殷
當也○正義曰枕之禁反衡斗衡也魁斗第一星
也言北方斗斗直當北之魁枕於參星之道北
斗之杓連於龍角南斗六星為天廟丞相大宰之

璿中統作璇
簡中統作簡

中統作王本亦
脫字

已卷三十一

三

趙其

按考要云周禮保章氏掌封域分星以視妖祥故論者以二十八宿分主九州而斗之七星亦各有屬不獨杓衡魁三者而已

位主薦賢良授爵祿又主兵天機南二星魁天梁中央一星天相北二星天府庭也占斗星盛明王道和平爵祿行不然反是參主斬刈又為天獄主殺罰其中三星橫列者三將軍東主後將軍西南曰右足主偏將軍故軒轅氏占之北曰左肩主左將軍西北曰右肩主右將軍東南曰左足應七將也中央二小星曰伐天之都尉也主戎狄之國不欲明若芒角張明與參等大臣謀亂兵起夷狄內戰七將皆明天下主兵振王道缺參失色軍散敗動搖邊候有急參左足入玉井中及金火守皆為起

用昏建者杓杓自華以西南

第七星法太白

夜半建者衡

假令杓

主杓斗之尾也尾為陰又其用昏昏陰位在西方故主西南○索隱曰說文云杓斗柄音匹遙反即招搖也○正義曰杓東北第七星也華華山也言北斗昏建用斗杓星指寅也杓華山西南之地也

四庫考證云代郡與海岱絕遠此代字訛

云一主徐州二主益州三主冀州四主荊州五主兗州六主揚州七主豫州八主幽州九主并州北斗凡九星其二陰星不見故只云七星耳

之間平旦建者魁魁海岱以東北也孟康曰傳曰地也於日主齊也魁斗之首首陽也又其用在明陽與明德在東方故主東北齊分○正義曰言北斗旦建用斗魁指寅也海岱代郡也言魁星主海岱之東北地也隨三時所指有前三建也斗為帝車運于中央索隱曰姚氏案宋均云言是大臨制四鄉分陰陽建四時均五行移節度定諸紀皆繫於斗斗魁戴匡六星故曰戴匡也曰文昌宮索隱曰文耀鉤云文昌宮為天府孝經援神契云文者精所聚昌者揚天紀輔拂並居以成天象故曰文昌宮一曰上將二曰次將三曰貴相四曰司命五曰司中六曰司祿索隱曰春秋元命包曰上將建包緒司祿賞功進士司命在斗魁中貴人之宰孟康主災咎司中主左理也

似戴匡校作似匡

災何主本作災司中何主本作司中災何主本作司中

芒角張參芒角

曰詳林別本

凶後作元

案按元校折也下有二階凡六星五字乖中依作乖

按考要云諸家圖經悉以三台繫之太微垣太史公特以列于中宮北斗文昌之次以其為天子三階不當置之

曰天理四星在斗魁中貴人牢名曰天理。索隱曰樂沐圖曰天寶理貴人牢宋均曰以理牢獄也。正義曰占明及其中。魁下六星兩兩相比者名

曰三能。蘇林曰音三台。索隱曰漢書東方朔願六星六符六星之符驗也。應劭引黃帝泰階六符

經曰泰階者天子之三階上階上星為男主下星為女主中階上星為諸侯三公下星為卿大夫下

階上星為士下星為庶人三階平則陰陽和風雨時不平則稼穡不成冬雷夏霜天行暴令好

色齊君臣和不齊為乖戾輔星明近。孟康曰在北

則臣奪君政小而明則臣不任職明大與斗合國

兵暴起暗而遠斗臣不效則奪若近臣專賞用賢

翼不然輔臣親彊斥小疏弱。蘇林曰杓端有兩星

一內為矛招搖

孟康曰近北斗者招搖招搖為天

一星耳。索隱曰案詩絕歷樞云更河中招搖為

胡兵宋均曰招搖星在更河內樂汁圖云更河天

矛星宋均以為更河名也。一外為盾天鋒。晉灼曰外

在招搖南一名玄戈。正義曰星經云更河星為

戟劍之星若星不見或進退不定鋒鏑亂起將為

邊境之患也。有句圜十五星屬杓。索隱曰句音鈞

索星也。正義曰屬音燭。曰賤人之牢。索隱曰詩絕歷樞云賤

圖云連營賤人牢宋均以為連營貫索星也。正

義曰貫索九星在北斗公前一曰連索主法律禁暴

若何本訛者

一日連營曰天牢八字在日連索下誤故何本作也

下中依作上

用當作排排當作用

更當作梗下同

用 殿本中統作角

中統初至本東宮接前不
提行

吳校作房為天府

按考要云心三
星一名大火中
之大星為明堂
天子之正位也
前星太子不明
則太子不得位
後星庶子不明
庶子繼中星欲
明忌直也

按考要云房四
星謂之府者晉
志所謂主開閉
為蓄藏之所由
也

如之 其牢中星實則囚多虛則開出天一槍格示

盾動搖角大兵起 李奇曰
角芒用

東宮蒼龍房心為明堂 索隱曰文耀鉤云東宮
蒼帝其精為龍爾雅云

大辰房心尾也李巡曰大辰蒼龍宿體最明也春
秋說題辭云房心為明堂天王布政之宮尚書運

期授曰所謂房四表之道宋均云四
星間有二道日月五星所從出入也 大星天王前

後星子屬 索隱曰鴻範五行傳曰心之大
星天王也前星太子後星庶子 不欲直

直則天王失計房為府曰天駟 索隱曰爾雅云天
駟房也詩絕歷樞

云房為天馬主車駕宋均云房既近
心為明堂又別為天府及天駟也 其陰右驂 正義

曰房星君之位亦主左驂亦主良
馬故為駟王者恒祠之是馬祖也 旁有兩星曰裕 義

索隱曰音其炎反元命包曰鈞鈐兩星以閉防神
府闔舒為主鈞距以備非常也 正義曰占明而

開中統初至

按考要云古圖
經天市垣左右
環曲各十一星
分配韓宋二十
二方主權衡主
聚眾亦謂之天
旗庭主斬戮之
事也然謂十二
星則諸家之說
无之

按考要云角二
星一為李一為
將李即理主刑
將主兵若乃天
田二星在角之

近房天下同心鈞鈐房心之間有北一星曰牽 徐廣
客星出及疎拆者皆地動之祥也
曰音轄 正義曰說文云牽車軸帶鍵也兩相穿
背也星經云鍵閉一星在房東北掌管籥也占一
反不居其所則津梁不通 東北曲十二星曰旗 正義
宮門不禁居則反是也

日兩旗者左旗九星在河鼓左也右旗九星在河
鼓右也皆天之鼓旗所以為旌表占用其明大光

潤將軍吉不然為兵憂及不居其 旗中四星曰天

市 正義曰天一星一十一星房心東北主國市聚交
易之所一曰天旗明則市吏急商人無利忽然

不明反是市中星眾則歲實稀則歲虛熒惑犯戮
不忠之臣彗星出當徙市易都客星入兵大起出

之有貴 中六星曰市樓市中星眾者實其虛則耗

正義曰耗 房南眾星曰騎官左角李右角將 索隱

即理法官也故元命包云左角理物以起右角將
率而動又石氏云左角為天田右角為天門也

趙其

左天門二星在角之右故石氏謂左角為天田右角為天門

按考要云元四星日月之中道又曰總理天下事听訟理獄錄功者也

樓評林別本作樓當從之
殿本此條正義作索隱與下篇雅云連文按卓刻本索隱無此

文當作正義

中後本作疾疫

按第一星至末二星依殿本改而殿本後考證所列正義文則云次三星夫余九嬪末為妾又与刊本異

按考要云尾九星故曰九子其占為後宮叙而多子白虎通王者德至禽獸則狐九尾其應為九妃得其所子孫繁息蓋協尾星之义也
按考要云箕四星上二為踵下二為舌故其占星大明直則君无謔間木守之宮中有口舌事也

不見或移動生禍乱

大角者天王帝廷。索隱曰援神契云大角為坐候宋均云坐帝坐也。正義曰大角一星在兩攝提間人君之象也。占其明盛黃潤則天下大同也。其兩旁各有三

星鼎足句之曰攝提。晉灼曰如鼎之句曲。索隱曰元命包云攝提之為言提

攜也言能提斗攜角以接於下也。正義曰攝提六星夾大角太臣之象恒直斗杓所指紀入節察萬事諸也占色温温不明而大者攝提者直斗杓人君恐客星入之聖人受制也。

所指以建時節故曰攝提格。亢為疏廟。索隱曰元

四星為廟廷文耀鈞為疏廟宋均以為疏外也廟或為朝也。正義曰聽政之所也其占明大則輔臣忠天下寧不然則反是也。**主疾其南北兩大星曰南門。**正義曰南

門三星在庫樓南天之外門占明則氏羌貢暗則諸夷叛客星守之外兵且至也。**氏為天根。**正義曰星經云氏四星為露寢聽朝所居其主占明大則臣下奉度合誠圖云氏為宿宮也。

疫。索隱曰爾雅云天根氏也孫炎以為角元下繫於氏若木之有根宋均云疫疾也三月榆莢落故主疾疫也然此時物雖生而日宿在塗行毒氣故有疫疾也。正義曰氏房心三宿為災於辰在卯宋之**尾為九子。**索隱曰宋均云屬後宮場故得分野。兼子子必九者取尾有九星也

元命包云尾九星箕四星為後宮之場也。正義曰尾箕尾為析木之津於辰在寅燕之分野尾九星為後宮亦為九子星近心第一星為后妃次三

星並為次三嬪末二星為妾占均明大小相承則後宮叙而多子不然則不金火守之後宮兵起若明暗不常妃嫡乖亂妾媵失序**曰君臣**

斥絕不和箕為敖客曰口舌。索隱曰宋均云敖調弄也箕以數揚調弄為象箕又受物有去去來來客之象也詩云維南有箕載翕其舌又詩緯云箕為天口主出氣是箕有舌象讒言故詩曰嗟兮後兮成是南箕謂為敖客行請謁也。正義曰敖音傲箕主八風亦后妃

之府也移徙入河國人相食金火入守天下亂月宿其野為風起**火犯守角則有**

紀 柯本記

中統本索隱在戰字下

中統本南宮不提行

中統本至本索隱在權衡二字下

王本不明則三字作明一訓

忠 中統本至本索隱

按考要云南方之宿其大者為權衡權衡非星也衡為太微之庭權為女主之宮權衡乃宮庭之總名耳正西註謬引軒轅西四星主烽火者曰權乃燧也非權也

戰房心王者惡之也索隱曰帝昭曰火熒惑○正義曰熒惑犯守箕尾氏星自

生芒角則有戰陣之事若熒惑守房心及房心自生芒角則王者惡之也

南宮朱鳥正義曰柳八星為朱鳥味天之厨宰王尚食和滋味○索隱曰文耀鉤云南宮

赤帝其精為朱鳥也權衡孟康曰軒轅為權太微為衡○正義曰權四星在軒轅尾西主烽火

備警急占以明為安靜不明則警急衡太微三光

之廷索隱曰宋均曰太微天帝匡衛十二星藩臣

索隱曰春秋合誠圖曰太微主法式陳星十二以備武患也○正義曰太微宮垣十星在翼軫地天

子之宮庭五帝之坐十二諸侯之府也其外藩九卿也南藩中二星間於端門次東第一星為左執

法廷尉之象第二星為上相第三星為次相第四星為次將第五星為上將端門西第一星為右執

法御史大夫之象也第二星為上將第三星為次將第四星為次相第五星為上相其東垣北左執

四庫考證云相執將據上序星次故相王亦作相

四庫考證又云將說相令改相王亦作將

又曰 閣本 初王皆自曰 字無陰字

法上相兩星間名曰左掖門上將兩星間名曰東華門上相次相上將次將間名曰太陽門其西垣右執法上相間名曰右掖門上將間名曰西華門次將次相間名曰中華門次相兩星間名曰太陰門各依其名是其職也占與紫宮垣同也

西將東相南四星執法中端

門門左右掖門門內六星諸侯正義曰內五諸侯五星列在帝庭其

星並欲光明潤澤若枯慘則各於其處受其災變大至誅戮小至流亾若動搖則擅命以干王者審

其分以占之則無惑也又云諸侯五星在東井北

河主判舉戒不虞又理陰陽察得失一日帝師二

日帝友三曰三公四曰博士五曰太史此五者為

天子定疑議也占明大潤澤大小齊等則國之福

不然則上下相猜忠臣不用其內五星五帝坐索隱曰詩含神

嚴春

四庫考證云刊本味記味

執 閣本 辛下同

周本居下從謀也五字
在天地之心下

吳校郭去一字

四庫考證云常記之據
星注改

之神五帝並設神靈集謀者也占五座明而光則
天子得天地之心不然則失位金火來守入太微
若順入軌道司其出之所守則為天子所誅
也其逆入若不軌道以所犯名之中坐成形後聚

一十五星蔚然 徐廣曰一曰郎位 索隱曰漢書作
然皆星之貌狀其星昭然所以象郎位也。正義
曰郎位五星在太微中帝坐東北周之元士漢之
光祿中散諫議此三署郎中是今之尚書郎占欲其大小均耀光潤有吉也。傷一大星
將位也 索隱曰宋均云為羣郎之將帥也。正義
為武備今之左右中郎將占。月五星順入軌道。索
曰帝昭云謂循軌道不邪逆也順入從西入也。司
。正義曰謂月五星順入軌道入太微庭也。司
其出所守天子所誅也 索隱曰宋均云司察日月
不去十日者於是。其逆入若不軌道以所犯命之
天子命使誅之也。

中坐成形

晉灼曰中坐犯帝坐也成形禍福之形
軌道不由康衢而入也以其所犯命者亦

從謀也

正義曰命名也謂月五星逆入不依軌道
司察其所犯太微中帝坐帝坐必成其刑

從而謀上也

金火尤甚

索隱曰案火主銷物而
金為兵故尤急則水土

木為小變也。正義曰若金火逆入不
軌道犯帝坐尤甚於月及水土木也

廷藩西有

隋星五

隋音他果反。索隱曰宋均
云南北為隋隋謂垂下也

曰少微士大

夫 索隱曰春秋合誠圖云少微處士位又天官占
云一名處士星也。正義曰廷太微廷藩衛也

少微四星在太微南北列第一星處士也第二星
議士也第三星博士也第四星大夫也占以明大

黃潤則賢士舉不明反是月**權軒轅軒轅黃龍體**
五星犯守處士憂宰相易也

孟康曰形如騰龍。索隱曰援神契曰軒轅十二
星后宮所居石氏星讚以軒轅龍體王后妃也。

五吳校音注四
垂下 王本作隋下
初本作三下

四庫考證云微下脫
西序字據星注改

按考要云軒轅
星乃黃帝之神
也天有青黃赤
白黑五帝故曰
黃神黃中色主

中土故謂之中也

右一星大民太后宗也
九字在右宗也下

鉞 下同
與汗林別本作與

按考要云傷小星即軒轅左角也左角一星為少民少后宗也右角一星為大民大后宗也周禮祭天之司民而獻民數即此星也

身書卷三十一 天官書

正義曰軒轅十七星在七星北黃龍之體主雷雨之神後宮之象也陰陽交感雷激為電和為雨怒為風亂為霧疑為霜散為露聚為雲氣立為虹蜺離為背璫分為抱珥二十四變皆軒轅主之其大星女主也次北星夫人也次北一星妃也其次諸星皆次妃之屬女主南一小星女御也左一星少民后宗也占欲其小黃而明吉大明則為後宮爭競移徙則國人流徙東西角大張而振敗水火金守軒轅女 主惡也 前大星女主象旁小星御者後宮屬月五星守犯者如衡占 索隱曰宋均云責在后黨嬉之 東井為水事 索隱曰元命包曰東井八星主水衡也 其西曲星曰鉞 正義曰東井八星鉞一星與鬼四星為質一星為鶉首於辰在未皆秦之分野一大星黃道之所經為天之亭候主水衡事法令所取平也王者用法平則井星明而端列鉞一星附井之前主伺奢淫而斬之占不欲甚明與井齊或搖動則天子用鉞於大臣月宿井有風雨之變也 鉞北

后族
二字在右宗下

大初至本作八
之初至本作云

南河南戒
四字在右為戒下

四庫考證云南河二字互倒又脫東字據星經及本書上文改增

按後漢志云輿鬼為死喪盾星為誅戮因名而著占也

北河南南河 正義曰南河三星北河三星分夾東門北河北戒一曰陰門亦為胡門兩戒間三光之常道也占以南星不見則南道不通北亦如之動搖及火守中國兵起也又云動則胡越為變或連近臣以結之 兩河天闕間為關梁 索隱曰宋均云兩河六星知逆邪言關梁之限知邪偽也 正義曰關丘二星在河南天子之雙闕諸侯之兩觀亦象魏縣書 輿鬼鬼祠事 中白者為質 晉灼曰輿鬼五星其中白者為質 正義曰輿四星主祠事天田也主視明察姦謀

東北星主積金玉隨其變占之中一星為積屍一名質主喪祭祠祀占鬼星明大穀成不明百姓散質欲其不明則兵起大臣誅下人歿之 火守南北河兵起穀不登故德成衡觀成潢 晉灼曰星不軌道也衡太微廷傷成鉞 先成形於鉞 索

也觀占也潢五帝車舍

史記卷三十七

天官書

卷

按考要云註讀似味又同而声類律書曰西至于注亦柳星也

按考要云星主后妃吳士之位張主天庖明堂御史之位聖主

明言暗八四子殿本作慎明為吉圖

合柯王本作令

炎柯王此火

殿柯王本長沙星日星字下星不欲明連文

太微三公化道文籍此皆甘氏之說若張衡諸志大略与太史公同云

按考要云軫取象為車行欲疾故曰主風且異方也甘氏云軫七星主將軍樂府歌謠之事晉志云主車騎主載任有軍出入皆占于軫其說並同也

按漢書天庫下无樓字

隱曰案德成衡衡則能平物故有德公平者先成形於衡觀成潢為帝車舍言王者遊觀亦先成形於潢也傷成缺者傷敗也言王者敗德亦先成形於缺以言有敗亂則有缺誅之然案文耀鉤則云德成潢敗成缺其意異也又此下文禍成井誅成質皆東井下水事火入一星居其旁天子且以火敗故曰禍也

與鬼天質占柳為鳥注草木草。索隱曰案漢書天曰大臣有誅柳為鳥注草木也。正義曰案漢書天以注為柳星故主草木也。正義曰案漢書天作注為柳星故主草木也。正義曰案漢書天周之分野柳為朱鳥味天之厨宰主尚食和滋味占以明吉暗凶金

七星頸為員官王急事。索隱曰案宋均火守之國兵大起。正義曰七星為頸一名天都王衣故主急事也。正義曰七星為頸一名天都王衣裳文繡王急事以明為吉暗

張素為厨主觴客。索隱曰案宋均為凶金火守之國兵大起

卷之三十一 九官書

七

官安校改宮下同

日素嗉也爾雅云鳥張嗉郭璞云鳥受食之處也。正義曰張六星六為嗉主天厨飲食賞資觴客占以明為吉暗為凶

翼為羽翮主遠客。正義曰翼金火守之國兵大起

四星長沙一星轄二星合軫七星皆為鶉尾於辰在巳楚之分野翼二十二星為天樂府又主夷狄亦主遠客占明大禮樂興四夷

軫為車主風。索隱曰案宋均云軫四星居中又有二星為左右轄車之象也軾與異同位為風車動行疾似之也。正義曰軾四星主冢宰輔臣又主車騎亦主風占明大則車騎用太白守之天下學校散文儒失業兵戈大興災惑守之南方有不用命之國當發

其旁有一小星曰長沙星。正義曰長沙一星在軾中主星不欲壽命占明主長壽子孫昌也

明明與四星等若五星入軾星中兵大起。索隱曰五星主行使使軾南眾星曰天庫樓。正義曰天庫樓動兵車亦動也

按漢書天庫下无樓字

殿本無此義云云十六字

中統柯至本西宮不從所
中統本索隱在西宮下

出外兵出柱入兵入柱
九字在三柱下

柱倒出尤甚柯至本作柱
例王尤甚議

奎曰連讀不必鉤折

共宋本作災
作定記

利 柯本說稍
收 柯本說收

集解如淳曰習崇積
為齋也
中統柯至本皆有集解崇
祇高吳校改正

秦也在 庫有五車。車星角若益眾及不具無處車
馬。

西宮咸池

索隱曰文耀鉤云西宮白帝其精白虎
正義曰咸池三星在五車中天潢南

魚鳥之所託也金犯守 曰天五潢五潢五帝車舍
之兵起火守之有災也

索隱曰案元命包曰咸池主五穀其星五者各有
所職咸池言穀生於水含秀含實主秋垂故一名

五帝車舍言以車載穀而販也。正義曰五車五
星三柱九星在畢東北天子兵車舍也西北大

星曰天庫主太白秦也次東北壁天獄主辰燕趙
也次東曰天倉主歲衛魯也次東南曰司空主鎮

楚也次西南曰卿主熒惑魏也占五車均明柱皆
見則倉庫實不見其國絕食兵見起五車三柱有

變各以其國占之。三柱入出一月米貴三倍期二
年出三月貴十倍。三柱入出一月米貴三倍期二

米貴轉粟千里。柱例此尤甚火 火入。旱。金。兵。水。
入天下旱金入兵水入水也 隱

曰謂火金水入五潢則各致此災也宋均 水中有
云不言木土者木土德星於此不為害也

三柱柱不具兵起奎曰封豕為溝瀆

正義曰奎苦
圭反十六星

婁三星為降婁於辰在戌魯之分野奎天之府庫
一曰天豕亦曰封豕主溝瀆西南大星所謂天豕

目占以明為吉星不欲團圓團圓則兵起暗則臣
干命之咎亦不欲開闔無常當有白衣稱命於山

谷者五星犯奎臣主共德權臣擅命不可禁者王
者宗祀不潔則奎動搖若談談有光則近臣謀上

之應亦度人饑饉之厄太白守奎胡貊之憂可以
伐之熒惑星主之則有水之憂連以三年真星歲

星守之中國之利外國不利 婁為聚眾。正義曰婁
可以興師動眾斬斷無道 胃為天倉。正義曰胃

動搖則眾兵聚金火守之兵起也 胃為天倉。正義曰胃
三星昂七星畢八星為大梁於辰在酉趙之分野

謂主倉廩五穀之府也占明則天下和平五穀豐
稔不然 其南眾星白層積。正義曰翳藁六星在天

反是也 苑西王積藁草者不見
世業

謂 汗林別本作胃

大守之下本
有國兵三字

按考要云昂為天之耳目主兵故曰鬣頭主胡喪故曰白衣

則牛馬暴於火守災起也。昂曰鬣頭。正義曰昂七星為旄頭胡平暗為刑罰濫六星明與大星等大水且至其兵大起搖動若跳躍者胡兵大起一星不見皆兵之憂也。胡星也。為白衣會畢曰罕車。正義曰畢八星曰獵其大星曰天高一曰邊將四夷之尉也。星明大天下安遠夷入貢失色邊亂畢動兵起月宿則多雨毛萋云畢為邊兵。索隱曰爾雅云濁謂之畢。孫所謂掩兔也。為邊兵。炎為掩兔之畢或呼為濁因以名。王弼獵其大星旁小星為附耳。正義曰附耳星之下次天高東南隅主為人主聽得失伺憊過星明則中國微邊寇警移動則讒佞行入畢國起兵。附耳搖動有讒亂臣在側。昂畢間為天街。索隱命包云畢為天階爾雅云大梁昂孫炎云昂昂之間日月五星出入要道若津梁。正義曰天街三星在畢昂間主國界也街南為華夏之國街北為夷狄之國土金守胡兵入也。其陰陰國。

七柯作一

戈兵校改

也王本有下

二周王作三

四庫考證云南下脫象字據漢志天文志注增

又云中下脫東字據天文志注補

又云宋訛菜未訛也據天文志注改吳徒元板守作葉下斬艾除凶多凶字

按甘氏謂參為忠良孝謹之子明大則臣忠子孝安吉移動殺忠臣兼伐以著占也

按考要云西方之宿皆為白虎在參之右角故謂之虎首宋均葆旅之說得之若晉灼釋為野菜誤矣

陽陽國。孟康曰陰西南坤維河山參為白虎。正義三星參三星外四星為實沉於辰在申魏之分野為白虎形也。三星直者是為衡石。孟康曰參三星者白虎宿中西直似稱衡。下有三星兌曰罰為斬艾事。孟康曰在參間上小下大故曰銳晉灼曰三星少斜列無銳形。正義曰罰亦作伐春秋運斗樞云參伐事。此外四星左右肩股也。小三星隅置曰菑鵠為虎首主葆旅事。如淳曰關中俗謂桑榆也野生曰旅今之饑民采旅生也。索隱曰姚氏案宋均云葆守也旅猶軍旅也言佐參伐以斬除凶也。正義曰菑子思反鵠胡規反葆音保菑鵠為虎首主收斂葆旅事也葆旅野生之可食也占金木來守國。其南有四星曰天廁。正義曰天廁四占色黃吉青與白皆凶不見則人寢疾。廁下一星曰天矢。正義曰天矢一星在

直王本批真

葆安校副

符注從後漢書部
顛傳注改

孤柯王本說孤後同

占柯王本作之

附耳句吳校乙去

中後柯王本北宮不提行
中後本索隱在北宮下
柯王本索隱在虛危下王
義前

按漢書羅下有
列字

廁南占與
矢黃則吉青白黑凶其西有句曲九星

三處羅正義曰一曰天旗正義曰參旗九星在參

從命者王者斬伐當理則天旗曲直順理不然則
兵動於外可以憂之若明而稀則邊寇動不然則

不二曰天苑正義曰天苑十六星如環狀在畢

曰九游徐廣曰音流正義曰九游九星在玉井

列邦並不欲搖動搖動則九州分散人民失業
信命不通於中國憂以金火守之亂起也

東有大星白狼正義曰狼一星參東南狼為野將

白而明吉赤角兵起狼角變色多盜賊下有四星

曰弧正義曰弧九星在狼東南天之弓也以伐叛

移多盜明大變色亦如之矢不直直狼狼比地有

狼又多盜引滿則天下盡兵也

大星晉灼曰北地近地也曰南極老人正義曰老人一星在

主占壽命延長之應常以秋分之曙見於景春分

見人主老人見治安不見兵起常以秋分時候之

于南郊附耳入畢中兵起

北宮玄武正義曰南斗六星牽牛六星並北宮玄

其精玄武爾雅云玄枵虛也又云北陸虛也解

危正義曰虛二星危三星為玄枵於辰在子齊之

祝之事亦天之冢宰主平理天下覆藏萬物占動

則有歿喪哭泣之應火守則天子將兵水守則人

為蓋屋索隱曰宋均云危上一星高旁兩星隋下

按考要云玄枵
齊之分野蓋虛
宿也或曰自女
八度至危十五
度皆謂之玄枵

孤吳校作孤

民柯王作又

柯王本所作
蓋王作也

四柯說曰

上柯本說上

余有丁曰希字疑當作布謂角張也

按考要云司空漢書作司寇諸家圖經所載亦

主天子所居宮室之官也占金火守入國兵虛為起孛孛尤甚危為架屋有星恐文誤也

哭泣之事。索隱曰姚氏案荊州占以為其宿二星也。大星其南有眾星曰羽林天軍。正義曰羽林天軍在壘辟南天軍也亦天宿衛之兵革

出不見則天下亂金火水入軍起也。軍西為壘。正義曰壘辟陳十七星橫列在營室南天

軍之垣壘占之非故兵起將軍歿也。或曰鉞旁有

一大星為北落北落若微。亡軍。星動角益希。及五

星犯北落。正義曰北落師門一星在羽林西南天

非常以候兵占明則軍安微弱則兵起。金火守有兵為虜犯塞土水則吉。入軍軍起火

則吉。危東六星兩兩相比曰司空。正義曰比音鼻

也。則吉。危東六星兩兩相比曰司空。比近也危東兩

太史公異

余有丁曰按晉書天文志離宮下有東壁二星主文章也。星明王者與道術行國多君子星失色大小不同王者好武經士不用圖書隱按北宮有壁星當是此太史公不載豈以軍壘壁為壁耶

兩相比者是司命等星也司空唯一星耳又不在危東恐命字誤為空也司命二星在虛北主喪送

司祿二星在司命北主官司危二星在司祿北主危亡司非二星在危北主憊過皆冥司之職占大

為君憂常營室為清廟。索隱曰元命包云營室十則吉也。營室為清廟。星堦陶精類始立紀綱包

物為室又爾雅云營室謂之定郭璞云定閣道。索隱曰荊州占云閣道。漢中四星曰天駟。索隱曰

命包云漢中四星旁一星曰王良。王良策馬車騎。索隱曰春秋合誠圖云王良主天馬也。正

滿野。索隱曰王良五星在奎北河中天子奉御官也。其動策馬則兵騎滿野客星守之津橋不通金火

守入皆兵之憂策一星在王良前主天子僕也占以動搖移在王良前或居馬後別為策馬策馬而

兵動也按豫章周騰字叔達南昌人為侍御史桓帝當南郊平明應出騰仰觀曰夫王者象星今宮中星及策馬星悉不動上明日必不出至四更皇

曰王良策馬也。正義曰王良主天馬也。王良策馬。正義曰王良主天馬也。王良策馬。正義曰王良主天馬也。

按考要云室為天子之宮中二星為室遠室三向兩上而居曰

沈

奎王龍奎

十中統作上

宿中統作上

高宮統而言之皆營室也閣道者因宮是別名

按考要云斗北宮之宿以夏秋之間見于南方故謂之南斗也

太子卒遂止也旁有八星絕漢曰天潢索隱曰元命包曰潢主河渠所以度神通四方宋均云天潢天

涉水正義曰天江四星在尾北主太陰也不欲津也津湊也主計度也

曰四星在危南正義曰杵曰三星在丈人星旁主軍糧絕也曰星在南主春其

魚鹽貴索隱曰荆州占云匏瓜一名天雞在河鼓包反匏瓜五星在離珠北天子果園占明大光

潤歲穀不則包果之實不登客守魚鹽貴也

斗為廟正義曰南斗其北建星建星者旗也正義曰建

六星在斗北臨黃道天之都關也斗建之間七耀

之道亦主旗輅占動搖則人勞不然則不月暈皎

龍見牛馬疫月五星犯守大臣

相謀為關梁不通及大水也

牽牛為犧牲正義曰牽牛

次二星主關梁次三星主南越占明大十五字在道路下

旗中統此應

四庫考證云案爾雅無此文考星經云須女四星亦曰婺女此亦雅當作星經

按考要云女宿

之下九尺為日月中道四星之

狀如婦功之式故名曰女亦曰

婺女占星明女工昌天下豐移

動后妃廢木犯立后也

按考要云織女婺女之北一名天女亦名天孫

牛為犧牲亦為關梁其北二星一曰即路一曰聚

火又上一星主道路關梁通不明不通天下牛疫

或移入漢中其北河鼓河鼓大星上將左右左右

將索隱曰爾雅云河鼓謂之牽牛孫炎曰河鼓之

正義曰河鼓三星在牽牛北故或名河鼓為牽牛也

軍中央大星大將軍其南左星左將軍其北右星

右將軍所以備關梁而拒難也占明大光潤將軍

吉動搖差戾亂兵起直將有功曲則將失計也自

昔傳牽牛織女七月索隱曰爾雅云須女謂

七日相見此星也

義曰須女四星亦婺女天少府也南斗牽牛須女皆為星紀於辰在丑越之分野而斗牛為吳之分野也須女賤妾之稱婦職之卑者主布帛裁製嫁娶占水守之萬物不成火守布帛貴人多處土守有女喪金其北織女正義曰織女三星在河北天寶占王者至孝於神明則二星俱明不然則暗而微天下女工廢明則理大星怒而角布帛涌貴不

曰中統此王作云

曜

錢英

二和本作三涌當作涌

或以織女亦名
婆女誤也

見則兵起晉書天文志云晉太史令陳卓總甘石
巫咸三家所著星圖大凡二百八十三宮一千四
百六十四星以為定紀今織女天女孫也徐廣曰
略其昭昭者以備天官云孫一作
名。索隱曰荆州占云織
女一名天女天子女也

察日月之行正義曰晉灼云太歲在四仲則歲行
三宿太歲孟四季則歲行二宿二

八十六三四十二而周天以揆歲星順逆
天官占云歲星一曰應星一曰經星一曰紀星物
理論云歲行一次謂之歲星則十二歲而星一周

天也。正義曰天官云歲星者東方木之精蒼帝
之象也其色明而內黃天下安寧夫歲星欲春不

動動則農廢歲星盈縮所在之國不可伐可以罰
人失次則民多病見則喜夫所居國人主有福不

可以搖動人主怒無光仁道失歲星順行仁德加
也歲星農官主五穀天文志云春日甲乙四時春

也五常仁五事貌也人主仁虧貌
失逆時令傷木氣則罰見歲星

曰東方木主春

中流何王本不推行

殿本此條正義在後四詩求
歲日更句下

以其舍命國

五字在盈縮二字下

仁本此位

木本此末

主閣何王本皆作正

卷之三

六

日甲乙義失者罰出歲星歲星羸縮索隱曰案天

星早出為羸羸為客晚出為縮縮為
主人五星羸縮必有天應見杓也

以其舍命國
正義曰舍所主
宿也命名也

而前曰羸索隱曰趨音退舍曰縮羸其國有兵不

復縮其國有憂將亾正義曰將國傾敗其所在五

星皆從而聚於一舍索隱曰漢高帝元年五星皆

星在東井故四其下之國可以義致天下以攝提

格歲索隱曰太歲在寅歲星正月晨出東方按爾

故曰攝提歲陰左行在寅歲星右轉居丑正月與

斗牽牛晨出東方名曰監德索隱曰歲星在寅正

卷之三

天官書

三

世宗

中流何王本
無字

乃云吳校元板作石氏云

考要曰十申曰歲
四十二子曰歲
明太史公所論
歲皇疆次蓋依
石氏經而甘氏
及太初曆各異

下出石氏星經文乃云星在斗牽牛失次應見於
杓也漢書天文志則載甘氏及太初星曆所在之
宿不也色蒼蒼有光其失次有應見柳歲早水晚旱

歲星出東行十二度百日而止反逆行逆行八度
百日復東行歲行三十度十六分度之七率日行
十二分度之一十二歲而周天出常東方以晨入

於西方用昏單闕歲索隱曰在卯也歲星二月晨
出東方爾雅云卯為單闕李

巡云陽氣推萬物而起故日單闕單盡也闕止也歲陰在卯星居子以二

月與婺女虛危晨出曰降入索隱曰即歲星二月
晨見東方之名其餘

此大有光其失次有應見張名曰降入其歲大水

執徐歲索隱曰爾雅辰為執徐李巡云伏蟄之物
皆振舒而出故曰執徐執蟄也徐舒也

吳校日降入上增名字後
見張下乙去名日降入四字

次有本
執注同

吳校日不出日青章增
名字於上白字上刪下文
曰青章三字

按考要云監德
降入青章併踵
開明長列大音
長王天唯大章
天泉天皓皆歲
星隨月所出而
異其名也

歲陰在辰星居亥以三月居與營室東壁晨出曰

青章青青甚章其失次有應見軫曰青章歲早早

晚水大荒駱歲索隱曰爾雅云在巳為大荒駱姚
氏云言萬物皆熾盛而大出霍然

荒駱故曰歲陰在巳星居戌以四月與奎婁胃昂

晨出曰躡踵徐廣曰一日路嶂○索隱曰天文志
作路踵字詁云踵今作踵也○正義

躡之勇反熊赤色有光其失次有應見亢敦

祥歲索隱曰爾雅云在午為敦祥孫炎云敦盛
也祥壯也言萬物盛壯也常昭云敦音頓歲

陰在午星居酉以五月與胃昂畢晨出曰開明徐廣

日一曰天津○索隱炎炎有光正義曰炎偃兵唯

利公王不利治兵其失次有應見房歲早早晚水

三折作二

也中後無

房中從作書

叶洽歲索隱曰爾雅云在未為叶洽李巡云陽歲氣欲化萬物故曰協洽協和也洽合也

陰在未。星居申。以六月與觜觴正義曰觜音且子斯反觴音胡規反

參晨出。曰長列。昭昭有光。利行兵。其失次有應見

箕。涖灘歲索隱曰爾雅云在申為涖灘李巡曰涖灘物吐秀傾垂之貌涖他昆反灘他丹

反。歲陰在申。星居未。以七月與東井輿鬼晨出。曰

大音。昭昭白。其失次有應見牽牛。作鄂歲索隱曰爾雅云

在酉為作鄂李巡云作鄂皆物芒枝起之貌鄂音愕今案下故云作作有芒則李巡解亦近天文志作詔音五格反與史記及爾雅並異也

歲陰在酉。星居午。以八月與

柳七星張晨出。曰為長王。作作有芒。國其昌。穀

其失次有應見危。曰大章。有旱而昌。有女喪。民疾。

中統作枯吳校枝元板作拔

吳校乙去日大章三字

掩中統柯王本戊殿本作戊當是缺文中統作戊

中統本呼唯反下行云字

吳校大星俱改天皇

叶洽歲索隱曰爾雅云在未為叶洽李巡云陽歲氣欲化萬物故曰協洽協和也洽合也

陰在未。星居申。以六月與觜觴正義曰觜音且子斯反觴音胡規反

參晨出。曰長列。昭昭有光。利行兵。其失次有應見

箕。涖灘歲索隱曰爾雅云在申為涖灘李巡曰涖灘物吐秀傾垂之貌涖他昆反灘他丹

反。歲陰在申。星居未。以七月與東井輿鬼晨出。曰

大音。昭昭白。其失次有應見牽牛。作鄂歲索隱曰爾雅云

在酉為作鄂李巡云作鄂皆物芒枝起之貌鄂音愕今案下故云作作有芒則李巡解亦近天文志作詔音五格反與史記及爾雅並異也

歲陰在酉。星居午。以八月與

柳七星張晨出。曰為長王。作作有芒。國其昌。穀

其失次有應見危。曰大章。有旱而昌。有女喪。民疾。

閹茂歲索隱曰爾雅云在戌曰閹茂孫炎云萬物皆蔽冒故曰閹茂閹蔽也茂冒也天文志

作閹。歲陰在戌。星居巳。以九月與翼軫晨出。曰天

睢索隱曰劉氏音吁唯反。白色大明。其失次有應見東壁歲

水。女喪。大淵獻歲索隱曰爾雅云在亥為大淵獻孫炎云淵深也大獻萬物於深

謂蓋藏之於外也。歲陰在亥。星居辰。以十月與角亢晨出

曰大章徐廣曰一日大星。索隱曰天文志亦作大星。蒼蒼然星若躍。而

陰出。曰是謂正平。起師旅。其率必武。其國有德。將

有四海。其失次有應見婁。困敦歲索隱曰爾雅云在子為困敦孫

炎云困敦混沌也言萬物初萌混沌於黃泉之下也。歲陰在子。星居卯。以十

一月與氏房心晨出。曰天泉。玄色甚明。江池其昌

王本兵字其字間空格

曰中統柯王

中統柯王無云字後同

楊慎曰黷即左傳左輪未殷之殷

不利起兵其失次有應在昴赤奮若歲

索隱曰爾雅云在丑

與尾箕晨出曰天皓

索隱曰音昊漢志亦作昊黷然黑色甚明

其失次有應見參當居不居居之又左

右搖未當去去之與他星會其國凶所居又國有

德厚其角動乍小乍大若色數變人主有憂其失

次舍以下進而東北三月生天棊

正義曰棊音蒲項反歲星之精

散而為天槍天垣蒼彗皆以應凶災也天棊者一名

覺星本類星者如末銳長四丈出長四尺

索隱曰此皆甘氏星經文而志又兼載石氏未兌進而東

南三月生彗星

正義曰天彗者一名掃星本類星未類彗小者數寸長長或竟天而

體無光假日之光故夕見則東指晨見則西指如

日南北皆隨日光而指光芒所及為災變見則兵

起除舊布新彗長二丈類彗星退而西北三月生

天攬

常昭曰攬音參差之參。正義曰攬楚咸反天攬者在西南長四丈銳京房云天攬為真

赤地千里枯骨籍籍天長四丈未兌退而西南三

月生天槍

正義曰槍楚行反天槍者長數丈兩頭

亂君伏歿其幸天文志云孝文時天槍夕出西南

按考要云歲星變而為妖則有四者之名若紫宮左三星曰天槍右五星曰天棊又以此異也爾雅曰彗星為槍槍石氏曰攬槍彗異狀其殃一也

真潤王本

如潤王本

為評林別

項潤王本

中統柯本徐廣曰在
一字下評林別本一字
作迎

中統柯本不提行

按考要云淮南
子曰熒惑常以
十月入太微受
制而出行列宿
司无道之國為
亂為賊為疾為
喪為飢為兵後
漢即顛曰熒惑
者至阳之精也
天之使也漢志
東行疾則兵聚

勝徐廣曰星色赤黃而沈所居野大穰正義曰穰人羊反曲豐
也熟色青白而赤灰所居野有憂歲星入月其野有
逐相與太白鬪常昭曰星相擊為鬪其野有破軍歲星一曰
攝提曰重華曰應星曰紀星營室為清廟歲星廟
也

察剛氣以處熒惑

徐廣曰剛一作罰。索隱曰案姚氏引廣雅熒惑謂之執法天

官占之熒惑方伯象司察妖孽則徐云察罰氣為
是春秋緯文耀鉤云赤帝熒怒之神為熒惑位在
南方禮失則罰出晉灼云常以十月入太
微受制而出行列宿司無道出入無常也 曰南方
火主夏日丙丁禮失罰出熒惑熒惑失行是也出
則有兵入則兵散以其舍命國熒惑熒惑為勃亂

中統柯本集
解在察剛下
無剛字

吳校剛下
熒惑二字

于東方西行疾
則兵聚于西方
其南為丈夫喪
北為女子喪熒
惑天子理也

殘賊疾喪饑兵

徐廣曰以下云熒惑為理外則理兵內則理政。正義曰天官占云

熒惑為執法之星其行無常以其舍命國為殘賊
為疾為喪為饑為兵環繞勾芒角動搖乍前乍
後其殃逾甚熒惑主死喪大鴻臚之象主甲兵大
司馬之義伺驕奢亂孽執法官也其精為風伯惑
童兒歌謠 嬉戲也 反道二舍以上居之三月有殃五月受

兵七月半亾地九月太半亾地因與俱出入國絕

祀居之殃還至雖大當小

索隱曰案還音旋旋疾也若熒惑反道居其舍

所致殃禍速疾

久而至當小反大

索隱曰又謂行遲也如此禍小

反大言又

其南為丈夫北為女子喪

索隱曰宋均云熒惑守輿

鬼南為丈夫受其咎

若角動繞環之及乍前乍後

左右殃益大與他星鬪

正義曰凡五星鬪皆為戰鬪兵不在外則為內亂鬪

按天文志云乍
左尔右

史記卷三十七

天官書

主

中統柯本

謂光也。光相逮為害。不相逮不害。五星皆從而聚

于一舍。正義曰三星若合是謂驚位絕行其國外

內有兵與喪人民饑乏改立侯王四星若

合是為太陽其國兵喪暴起君子憂小人流五星

若合是謂易行有德者受慶掩有四方無德者受

殃乃以其下國可以禮致天下。法出東行十六舍

而止。逆行二舍六旬。復東行。自所止數十舍。十月

而入西方。伏行五月。晉灼曰伏不見出東方。其出西方曰

反明。主命者惡之。東行急。一日行一度半。其行東

西南北疾也。兵各聚其下。用戰順之勝。逆之敗。災

惑從太白軍憂離之軍却。出太白陰有分軍。行其

陽有偏將戰。當其行太白逮之。破軍殺將。索隱曰宋均云

位樹王本

中統王本不提行

按考要至系隱引

晉灼之註原出

淮南子當居而

弗居凶未當居

而居吉淮南太

史之論蓋同也

太史以歲星于

義熒惑主禮填

星主德太白主

太白宿主軍。其入守犯太微。孟康曰犯七寸已內

來衝拒也。軒轅營室王命惡之。心為明堂。災

惑廟也。謹候此。

曆斗之會以定填星之位。索隱曰晉灼曰常以甲

宿二十八歲而周天廣雅曰填星一名地侯文耀

鈞曰鎮黃帝合樞紐之精其體旋璣中宿之分也

曰中央土。王季夏日戊巳。黃帝主德。女王象也。歲

填一宿其所居國吉。未當居而居若已去而復還。

還居之其國得土。不乃得女。若當居而不居。既已

曰詳林別本

兵其居久其國福厚。易福薄。徐廣曰易猶輕速也其一名曰

沈玄易

四星皆失填星
乃為之動晉志
則曰天子失信
則填星大動也

四庫考證云土上行木
字今剛

地侯。主歲。歲行十二度百十二分度之五。日行二
十八分度之一。二十八歲周天。其所居五星皆從
而聚于一舍。其下之國可重致天下。正義曰重音
逐隴反言五

星皆從填星其下之國倚重
而致天下以填星主土故也

禮德義殺刑盡失。而

填星乃為之動。搖。為王不寧。其縮有軍不復。填

星其色黃九芒。一本九芒作光芒音曰黃鐘宮。其失次上二三宿曰

贏。有主命不成。不乃大水。失次下二三宿曰縮。有

后戚。其歲不復。不乃天裂。若地動。斗為文太室。填

星廟。天子之星也。木星與土合為內亂饑。正義曰
凡五星木與土合為內亂饑與水合為變

謀更事與火合為旱與金合為白衣會也。主勿用

中後柯王本無白字
晉灼曰中後柯王本有

生宋本作天下同

吳校刪敗字及兩軍字
周本正義並此注注誤
出留擁闕之音与下文殺

楊慎曰白衣會謂
犬喪會哭若因哀
大臨之事也
按若水天文志
云為水

按考要云漢景
帝中元五年四
月水火合於參
占曰國不吉參
梁也六年梁孝
王死是其應也
孝殤帝延平元
年正月金火在
婁占為大人憂
殤帝崩是其應
也

戰敗。水則變謀而更事。火為旱。金為白衣會。若水

金在南曰牝牡。索隱曰歲陽也太白陰也故曰牝
牡。正義曰星經云金在南木在

北名曰牝牡。年穀大熟。金在北。歲偏

無。火與水合為焮。晉灼曰火入水故曰焮。索隱
曰案謂火與水俱從填星合出

焮。用兵舉事大敗。與金合為鑠。為喪不可舉事。用

兵從軍為憂。離之軍却與土合。與金合為鑠。為喪

皆不可舉事。用兵大敗。土為憂生孽卿。索隱曰文
耀鈞云水

土合則成。鑠。冶。鑠。冶。成。則火與火與則土之子。焮

金成。銷。鑠。金。鑠。則土無子。無子輔父則益妖孽。故

子憂。大饑。戰敗為北軍。正義曰為北軍北
也。凡軍敗曰北軍困。舉

事大敗。土與水合穰而擁闕。正義曰擁於拱
反闕烏葛反有覆

柯王本皆無
云字

軍。徐廣曰或曰木火土三星若合是謂驚位絕行其國不可舉事。出亾地。入得地。金為疾。為內兵亾地。三星若合。其宿地。國外內有兵與喪。改立公王。四星合。兵喪並起。君子憂。小人流。五星合。是為易行。有德受慶。改立大人。奄有四方。子孫蕃昌。無德受殃。若亾。五星皆大。其事亦大。皆小事亦小。蚤出者為羸羸者為客。晚出者為縮。縮者為主人。必有天應。見於杓星。同舍為合。相凌為鬪。孟康曰凌相冒占過也。常昭曰突掩為凌七寸以內必之矣。索隱曰常昭云必有禍也五星色。白圜為喪。旱。赤圜則中。不平。為兵。青圜為憂。水。黑圜為疾。多死。黃圜則吉。赤

四庫考證云脫入四十四字據漢書天文志增吳校亦補

按考要云太白一名明星詩曰東有啓明西有長庚孫炎郭璞並謂晨見東方為啓明昏見西方為太白韓詩則謂晨見東方為啓明昏見西方

角犯我城。黃角地之爭。白角哭泣之聲。青角有兵。憂黑角則水意。徐廣曰一作志行窮兵之所終。五星同色。天下偃兵。百姓寧昌。春風秋雨。冬寒夏暑。動搖常以此。填星出百二十日而逆。西行。西行百二十日。反東行。見三百三十日而入。入三十日。復出東方。太歲在甲寅。鎮星在東壁。故在營室。

察日行以處位太白。索隱曰太白辰出東方日啓明故察日行以處太白之位

韓詩云太白晨出東方為啓明昏見西方為長庚又孫炎註爾雅亦以為晨出東方高三丈命曰啓明昏見西方高三舍命曰太白。正義曰晉灼云常以正月甲寅與熒惑晨出東方二百四十日而入。又出西方二百四十日而入。入三十五日而復出東方。出以寅戌入以丑未。天官占云太白者西

為長庚李白毋

方姬夢長庚因字曰太白乃知長庚即太白也蓋太白附日而行日且出則謂之啓明啓開也日既入則謂之長庚庚續也助日之明故謂之明星也若所謂大驚大相則皆以遠日而名之也太白主兵高坤遲速爭躁見伏用兵皆象之吉反之凶也其他妖星如匹沛著天亦主兵亦名長庚然非太白也

按上元古曆名

萬金之精白帝之子

上公大將軍之象也一名殷星一名大正一名熒星一名官星一名梁星一名滅星一名大器一名大衰一名大爽徑一百里天文志云其日庚辛四時秋也五常義也五事言也人主義虧言失逆時令傷金氣罰見太白春見東方以晨秋見西方以夕曰西方秋司

兵月行及天矢

正義曰太白五芒出早為月蝕晚為天矢及彗其精散為天杵天柅

伏靈大敗司姦天狗賊星天殘卒起星是古曆星若竹彗牆星猿星白彗皆以示變之也

日庚辛主殺殺失者罰出太白太白失行以其舍命國

其出行十八舍二百四十日而入入東方伏行十

一舍百三十日其入西方伏行三舍十六日而出

當出不出當入不入是謂失舍不有破軍必有國

君之篡其紀上元

正義曰其紀上元是星古曆初起上元之法也以攝提

格之歲與營室晨出東方至角而入與營室夕出

西方至角而入與角晨出入畢與角夕出入畢與

畢晨出入箕與畢夕出入箕與箕晨出入柳與箕

夕出入柳與柳晨出入營室與柳夕出入營室凡

出入東西各五為八歲二百三十日

徐廣曰一云三十二日

復與營室晨出東方其大率歲一周天

素隱曰案上元是古

曆之名言用上元紀曆法則攝提歲而太白與營室晨出東方至角而入與營室夕出西方至角而入凡出入東西各五為八歲二百三十日復與營室晨出東方大率歲一周天也

其始出東方行遲率日半度一百二十日必逆行一二舍

上極而反東行行日一度半一百二十日入其庫

八
中後和壬本作百

星
圖本作惑

古
圖本作古

史記卷三十一

五

中後至本高遠日大相無
曰字。柯本高遠曰大相無
日字

近日曰明星柔。高遠日曰大囂。徐廣曰剛。其始出
西行疾。率日一度半。百二十日上極而行遲。日半
度百二十日旦入。必逆行一二舍而入。其庫近日
曰太白柔。高遠日曰大相剛。出以辰戌。入以丑未。
當出不出未當入而入。天下偃兵。兵在外。入未當
出而出當入而不入。下起兵。有破國。其當期出也。
其國昌。其出東為東。入東為北方。出西為西。入西
為南方。所居久。其鄉利。疾。蘇林曰疾過也。其鄉凶。出西逆
行至東。正西國吉。出東至西。正東國吉。其出不經
天。經天。天下革政。索隱曰孟康曰謂出東入西出
西入東也。太白陰星出東當伏

四庫考證云刊本日南下
行是也。二字據周禮天司
徒注剛

國吳校注圖

按漢記國作圖

東出西當伏。西過午為經天。又晉灼曰日陽也。日出則星沒。太白晝見。午上為經天也。小以
角動。兵起始出大。後小兵弱。出小後大。兵強。出高
用兵深吉。淺凶。庫淺吉。深凶。日方南。金居其南。日
方北。金居其北。曰贏。正義曰鄭玄云方猶向也。謂
其南北也。影短於土圭謂之日南。是地於日為近
南也。長於土圭謂之日北。是地於日為近北也。凡
日影於地千里而差一寸。周禮云日南則影短多
暑。日北則影長多寒。孟康云金謂太白也。影日中
之影也。侯王不寧。用兵進吉。退凶。日方南。金居其北。
日方北。金居其南。曰縮。侯王有憂。用兵退吉。進凶。
用兵象太白。太白行疾。疾行遲。遲行角。敢戰動。搖
躁躁。國以靜。靜順角所指吉。反之皆凶。出則出兵。

金柯王作會

國吳校注圖

按漢記國作圖

錢英

粟 柯王作粟注同

軍中候作亡

音澤二字非正義然中
候本亦有

入則入兵。赤角有戰。白角有喪。黑圜角。憂有水事。

青圜小角。憂有木事。黃圜和角。有土事。有年。正義曰太

白星圜天下和平若芒角有土事有年謂豐熟也其已出三日而復有微

入。入三日乃復盛。出是謂粟。音灼曰粟退之不進索隱曰粟音奴亂反

其下國有軍敗將北。其已入三日又復微。出出三

日而復盛。入其下國有憂。師有糧食。兵革遺人用

之。正義曰遺唯季反卒雖衆將為人虜。其出西失行。外國

敗。其出東失行。中國敗。其色大圜黃澤。音澤可為好

事。其圜大赤。兵盛不戰。太白白比狼。正義曰比耳反下同此

類也晉書天文志云凡五星有色大小不同各依其行而應時節色變有類凡青比參左肩有赤比心

大星黃比參右肩白比狼星黑比奎大星不失本色而應其四時者吉色害其行凶也赤比

心。黃比參左肩。正義曰參色林反下同蒼比參右肩。黑比奎

大星。五星皆從太白而聚乎一舍。其下之國可以

兵從天下。居實有得也。正義曰晉書天文志云凡五星所出所直之辰其國

為得位者歲星以德熒惑為禮鎮星有福太白兵強辰陰陽和所直之辰順其色而角者勝其色害

者敗居實有得居虛無得也居虛無得也。索隱曰實也勝位勝色行得盡勝也謂星所合

居之宿虛。謂贏縮也。行勝色。音灼曰太白行得度者勝色也。正義曰勝音升刺反下同色

勝位。有位勝無位。有色勝無色。行得盡勝之。音灼

應天度唯有色得位行盡勝之出而留桑榆間。音灼

日行遲而下也疾其下國。正義曰疾漢書作病

凡望雲氣平沙在
正出氣言吳校氣言
桑榆上者吳校榆下
增而字

也。上而疾未盡其日過參天。晉灼曰三分天過之其一此在戌酉之間疾其對國。孟康曰謂出東入西出西入東上復下下復上有反將。其入月將偃。金木星合光其下戰不合兵雖起而不鬪。合相毀野有破軍。出西方昏而出陰陰兵彊。暮食出小弱。夜半出中弱。雞鳴出大弱。是謂陰陷於陽。其在東方乘明而出陽陽兵之彊。雞鳴出小弱。夜半出中弱。昏出大弱。是謂陽陷於陰。太白伏也。以出兵兵有殃。其出卯南南勝北方。出卯北北勝南方。正在卯東國利。出酉北北勝南方。出西南南勝北方。正在酉西國勝。其與列星相犯小戰。五

此何本比

按天文志天矢作天祲

星大戰其相犯。太白出其南南國敗。出其北北國敗。行疾武不行。文色白。五芒出蚤為月蝕。晚為天矢。及彗星將發其國。出東為德。舉事左之迎之吉。出西為刑。舉事右之背之吉。反之皆凶。太白光見景戰勝。晝見而經天。是謂爭明。疆國弱。小國疆。女主昌。元為疏廟。太白廟也。太白大臣也。其號上公。其他名殷星。太正營星。觀星宮星。明星。大衰。大澤。終星。大相。天浩。序星。月緯。大司馬位。謹候此。

按考要云太史公曰免七命曰

小正辰星天攬安周星細奕七星鈞星然則辰

察日辰之會

正義曰晉灼云常以二月春分見奎

婁五月夏至見牽牛出以辰戌入以丑未二旬而入晨候之東方夕候之西方也以治辰

中候何王不提行

史記卷三十七 天官書

天

世清

星乃免星之別名也辰星亦太白俱附日而行故其出入蚤為月蝕晚為彗星天矢二星同也

星之位

索隱曰即正四時以治辰星之位是也皇

日北方辰星水生物布其紀故辰星理四時曰北

方水太陰之精主冬日壬癸刑失者罰出辰星

曰天官占云辰星北水之精黑帝之子宰相之祥也一名細極一名鈞星一名廉星一名伺祠徑一

出郊奎婁胃東五舍為齊仲夏夏至夕出郊東井

輿鬼柳東七舍為楚仲秋秋分夕出郊角亢氐房

東四舍為漢仲冬冬至晨出郊東方與尾箕斗牽

牛俱西為中國其出入常以辰戌丑未其蚤為月

是燥中後柯王本是字
燥作踰
殿本張晏曰云亦為
索隱文無索隱曰宋均
云六字辰星陰也據前
所以為災祥下

失王本詠失
失中後詠失

效柯王作効

蝕孟康曰辰星月相凌不見者則所蝕也○索隱
曰宋均云辰星與月同精月為大臣先期而出
是躁也失則當誅故月晚為彗星及天矢
除舊布新○索隱曰宋均云辰星其時宜效不效
陰也彗亦陰陰謀未成故晚出也

為失正義曰效見也言宜追兵在外不戰一時不

出其時不和四時不出天下大饑其當效而出也

色白為旱黃為五穀熟赤為兵黑為水出東方大

而白有兵於外解常在東方其赤中國勝其西而

赤外國利無兵於外而赤兵起其與太白俱出東

方皆赤而角外國大敗中國勝其與太白俱出西

方皆赤而角外國利五星分天之中積于東方中

殿本張晏曰
云云在故晚出
下

饑中後柯王
饑作飢

癸柯王本

失中後說天

穀中後作聚

閣本失寫正義

國利積于西方外國用者利五星皆從辰星而聚于一舍其所舍之國可以法致天下辰星不出太白為客其出太白為主出而與太白不相從野雖有軍不戰出東方太白出西方若出西方太白出東方為格野雖有兵不戰索隱曰謂辰星出西方白金也水生金母子不相從故野上有軍不戰今母子各出一方故為格格謂不同故野雖有兵不戰也失其時而出為當寒反溫當溫反寒當出不出是謂擊卒兵大起其入太白中而上出破軍殺將客軍勝下出客亡地辰星來抵太白太白不去將死正旗上出正義曰旗星名有九星言辰星上則破軍殺將客勝也破軍殺

吳校云去太白二字

按天文志无赤行旁兵之所終句

將客勝索隱曰案旗蓋太白下出客亡地視旗所指以命破軍其繞環太白若與鬪大戰客勝免過太白索隱曰案廣雅云辰星謂之免星則辰星之别名免或作免也間可撼劍蘇林音函函容也其間可容一劍索隱曰案蘇所說則撼字本有函音故字從咸也正義曰漢書云辰星過太白間太白小戰客勝免居太白前軍罷可撼劍明廣雅是也出太白左小戰摩太白有數萬人戰主人吏死出太白右去三尺軍急約戰青角兵憂黑角水赤行窮兵之所終免七命白小正辰星天攬安周星細爽能星鈎星索隱曰謂免星凡有七名命者名也小正一也辰星二也天攬三也安周星四也細爽五也能星六也鈎星七也其色黃而小出而易處天下

撼中後作王

嚴本閣本無正義正義此文當有缺矣

攬中後作王

殿本頁則不長下正文
多星為員官辰星
廟堂星也十二字中
統和五本仍在星判詞

州下与此本同

中統和五本上不提行

兩軍 殿本至中統和
段上不提行

園 五本作園

之文變而不善矣。免五色。青園憂。白園喪。赤園中
不平。黑園吉。赤角犯我城。黃角地之爭。白角號泣
之聲。其出東方。行四舍四十八日。其數二十日而
反入于東方。其出西方。行四舍四十八日。其數二
十日而反入于西方。其一候之營室角畢箕柳出
房心間。地動。辰星之色。春青黃。夏赤白。秋青白。而
歲熟。冬黃而不明。即變其色。其時不昌。春不見。大
風。秋則不實。夏不見。有六十日之旱。月蝕。秋不見。
有兵。春則不生。冬不見。陰雨六十日。有流邑。夏則
不長。

角亢氏兖州。房心豫州。尾箕幽州。斗江湖。牽牛婺
女揚州。虛危青州。營室至東壁并州。奎婁胃徐州。
昂畢冀州。觜鵬參益州。正義曰。括地志云。漢武帝
置十三州。改梁州為益州。
廣漢廣漢。今益州。各縣是也。分今河內上黨雲中
然。按星經。益州魏地。畢觜參之分。今河內上黨雲
中。是未詳也。東井輿鬼雍州。柳七星張三河。翼軫荊州。
兩軍相當。日暈。如淳曰。暈
讀曰運。暈等。力鈞。厚長大。有勝。
薄短小。無勝。重抱。大破。無抱。為和。背不和。為分離。
相去。直為自立。立侯王。指暈若曰殺將。負且戴。有
喜。圍在中。中勝。在外。外勝。青外赤中。以和相去。赤

按天文志漢書
指暈俱作破軍

揚中經本

史記卷二十七

天官書

三

云

按天文志其發疾作其後發疾

外青中。以惡相去。氣暈。先至而後去。居軍勝。先至
先去。前利後病。後至後去。前病後利。後至先去。前
後皆病。居軍不勝。見而去其發疾。雖勝無功。見半
日以上。功大白虹屈短。李奇曰。屈或為尾也。韋昭曰。短而直。上下兌
有者。下大流血。日暈制勝。近期三十日。遠期六十
日。其食。食所不利。復生。生所利。而食益盡。為主位。
以其直。及日所宿。加以日時。用命其國也。

月行中道。安寧和平。陰間多水陰事。外北三尺。陰

星北三尺。索隱曰。索中道房室星之中間也。房有

南為陽。間北為陰。間則中道房星之中間也。故房是日月五星之常行道。然黃道亦經房心。若月行

得中道。故陰陽和平。若行陰間。多陰事。陽間則人
主驕恣。若歷陰星。陽星之南。北太陰。太陽之道。則
有大水。若兵及大旱。若喪也。太
陽亦在陽間之南。各三尺也。太陰。大水。兵。陽間

驕恣。陽星多暴獄。太陽大旱喪也。索隱曰。太陰太

近之故有水。角。天門。十月為四月。十一月為五月。

早兵喪也。索隱曰。謂月行入角。與天門。若十月犯之。當為來年四月成災。十一月則主五月也。十二月

為六月。水發近三尺。遠五尺。犯四輔。輔臣誅。索隱

謂月犯房星也。四輔房四星也。房以輔心。故曰四輔也。行南北河。以陰陽言。

正義曰。南河三星。北河三星。若月行北河。以陰則南河以陽。則亦早兵喪也。旱。水。兵。喪。

月蝕。歲星。正義曰。子孟康云。凡星入月。見月中。為其

宿地。饑若亡。災惑也。亂。填星也。下犯上。太白也。彊

史記卷三十一 天官書 三十一

殿中統柯王本作而五月者凡五百一十三月四庫考證云案係索隱說當作而五月者凡五百一十三月此五字凡字誤倒吳校凡五改作五凡

中統本無或字

癸 中後本

中統柯王不提行

國以戰敗。辰星也。女亂。食大角。

徐廣曰一云食于大角。正義曰大

角一星在兩攝提間人君之象也。

主命者惡之心。則為內賊亂也。

列星其宿地憂。

索隱曰謂月蝕列星二十八宿月當其分地有憂憂謂兵及喪也。

食始日。五月者六。六月者五。五月復六。六月者一。

而五月者五。凡百一十三月而復始。

索隱曰始日謂歲始起之日也。依此文計唯有一百二十一月與元數甚為懸校既無太初曆術不可得而推定今以漢志統曆法計則五月者七。六月者一。又五月者一。六月者五。五月者一。凡一百三十五月而復始耳。或術家各異或傳寫錯謬故此不同無以明知也。

故月蝕常也。日蝕為不減也。甲乙四海之外。日月不占。

晉灼曰海外遠甲乙日時不以占候。

丙丁江淮海岱也。戊巳中州河濟也。庚辛華山以西。

壬癸恒山以北。日蝕國君。月蝕將相當之。

華 中統柯王

壬癸恒山以北。日蝕國君。月蝕將相當之。
國皇星。正義曰皇星者大而赤類南極老人去地三丈如炬火見則內外有兵喪之難。大而赤。孟康曰歲星之精散所為也。五星之精散為六十四變記不盡。狀類南極。徐廣曰老人星也。所出其下起兵。兵彊其衝不利。

昭明星。索隱曰案春秋合誠圖云赤帝之精象如太白七芒釋名為筆星氣有一枝未銳似筆亦日日日。大而白。無角。乍上乍下。孟康曰形如三筆星也。所出國起兵多變。孟康曰形如三筆星也。

五殘星。索隱曰孟康云星表有青氣暈有毛填星之精也。正義曰五殘一名五鋒出正東。出正東東。

方之野。其星狀類辰星。去地可六丈大。徐廣曰大則見五分毀敗之微大臣誅亡之象。

按大謂其狀大類辰星并下文大而赤白同按天文志云大而黃

按大謂其狀大類辰星并下文大而赤白同按天文志云大而黃

史記卷二十七 天官書

三

嚴春

中後柯王本不提行

賊星孟康曰形如彗九尺太白之精。正義曰大賊星者一名六賊出正南南方之野星去地可六丈大而赤數動出正南南方之野星去地可六丈大而赤數動有光。

司危星孟康曰星大而而有毛兩角熒惑之精也。正義曰司危者出正西西方分野也大如

太白去地可六丈見則以天子不義失國而豪傑起

出正西西方之野星去地可六丈大而白類太白。

獄漢星孟康曰青中赤表下有二彗縱橫亦填星之精漢書天文志獄漢一名咸漢出

正北北方之野星去地可六丈大而赤數動察之

中青此四野星所出出非其方其下有兵衝不利

四填星所出四隅去地可四丈。

毛柯作尾

殿本如星非星提行

吳校元板下有蓋上連星

中後柯王不提行

四庫考證云漢書言火祲人孟康曰人與星氣相應也此火字訛

地維咸光正義曰四鎮星出四隅去地可四丈地維咸光星亦出四隅去地可三丈若月

始出所見下有亂者亡有德者昌也亦出四隅去地可三丈若月始

出所見下有亂亂者亡有德者昌。

燭星狀如太白孟康曰星上有三彗上出亦填星之精其出也不行。

見則滅所燭者城邑亂如星非星如雲非雲命曰

歸邪李奇曰邪音蛇孟康曰星有兩赤彗上向上有蓋狀如氣下連星歸邪出必

有歸國者。

星者金之散氣本曰火孟康曰星名也星衆國吉少則凶。

漢者亦金之散氣索隱曰案水生金散氣即水氣河圖括地象曰河精為天漢也

其本曰水漢星多水少則旱孟康曰漢河漢也水生於金多少謂

按考要云張衡云地有山嶽以宣其氣精鍾為

蓋柯本訛蓋

柯王本不提行

吳校刪炎火二字

星至多莫如水
水精為漢春秋
傳梓慎之言曰
星季及漢漢水
祥也

漢中 其大經也。

天鼓有音如雷非雷音在地而下及地其所往者
兵發其下。

天狗狀如大奔星。孟康曰星有尾旁有短彗下有有

聲其下止地類狗所墮及炎火。索隱曰望之如火

光炎炎衝天其下圍如數頃田處上兌者則有黃

色千里破軍殺將。

格澤星者。索隱曰格澤一音鶴鐸如炎火之狀黃

白起地而上下太。上兌其見也不種而獲不有土

功必有大害。

四庫考證云客訛言據漢書天文志改

楊慎曰宜是經作客客與謀合韻

中後初玉日星墜不提行下天精亦不提行

按考要云考白虎通景星者大星也月或不見

蚩尤之旗。孟康曰熒惑之精也晉灼曰類彗而後

曲象旗見則王者征伐四方。

旬始出於北斗旁。徐廣曰蚩尤狀如雄雞其怒青

黑象伏鼈。李奇曰怒當音帑晉灼

枉矢類大流星虵行而倉黑望之如有毛羽然。

長庚如一匹布著天。正義曰著此星見兵起。

星墜至地則石也。正義曰春秋云星墜如雨是也

天下多有也。河濟之間時有墜星。

天精而見景星。孟康曰精明也有赤方氣與青方

一黃星凡三星合為景星。索隱曰韋昭云精謂

青朗漢書作牲亦作臙郭璞註三蒼云臙雨止無

史記卷二十七 天官書

卷二十七

有吳校刪

往吳校作住

中統柯王不提行

景星常見可以夜作有益于人民也又云王者德至文表則景星見德至山陵則景雲出又按荆州占瑞星有瑞氣太史公所謂景星格澤星皆瑞星也所謂瑞氣也瑞星之名凡四又曰周伯星又曰含春星瑞氣之名凡三又曰昌光昌光赤如龍狀見則圣人作也

搏下同

中統柯王本作前方而後高吳校乙去高後二字

殿本陣雲提行抵殿本及元板作低

雲也。正義曰景星狀如半月生於晦朔助月為明見則人君有德明聖之慶也。景星者德星也其狀無常出於有道之國。

凡望雲氣。正義曰春秋元命包云陰陽聚為雲氣也釋名云雲猶云衆盛也氣猶餽然也

千里登高而望之。下屬地者三千里雲氣有獸居

上者勝。正義曰勝音升刺反雲雨氣相敵也兵自

華以南氣下黑上赤嵩高三河之郊氣正赤恒山

之北氣下黑上青勃碣海岱之間氣皆黑江淮之

間氣皆白徒氣白土功氣黃車氣乍高乍下往往

而聚騎氣卑而布卒氣搏。如淳曰搏專也

前卑而

後高者疾前方而高後兌而卑者却其氣平者其却

行徐前高而後卑者不止而反氣相遇者卑勝高

索隱曰遇音允勝方氣來卑而循車通者。車通車

故曰通不過三四日去之五六里見氣來高七八

尺者不過五六日去之十餘里見氣來高丈餘二

丈者不過三四日去之五六十里見稍雲精白

者其將悍其士怯其大根而前絕遠者當戰青白

其前抵者戰勝其前赤而仰者戰不勝陣雲如立

垣杼雲類杼軸。索隱曰姚氏案兵書云杼

端兌杓雲如繩者居前亘天。索隱曰劉氏杓音時

却 吳校改卻

按漢書作前方而後高者銳後銳而卑者却

偶漢書作禺

漢武諱

一本十餘下有二十七餘二字

一本抵作低

索隱曰姚氏案兵書云杼

索隱曰劉氏杓音時

此春吉

此春吉

中經柯王本無子字

殿本故字屬類詞旗句

搏必殿本

揚柯王本

勇柯王作男
慶柯王作慶

四庫考證云翰說綸據
宋本改

又云天說天據漢書天文
志改

按考要云氣即
雲氣也晉志云
東夷氣如樹西
夷氣如室屋南
夷氣如閣臺或
類舟舡又云韓
雲如布趙雲如

斗楚雲如日宋
雲如車晉雲如
馬衛雲如大周
雲如車軫秦雲
如行人魏雲如
鼠鄭雲如絳衣
越雲如龍蜀雲
如困此因地而
異形者也若乃
華以南之氣下
黑上赤恒山之
氣下黑上青嵩
高三河之郊氣
赤勃碣海岱之
間氣黑江湖之
間氣白此因地
而異色者也
又云登州志西
南去海五里春
夏時遙見水面
有城郭市肆人
馬往來土人謂
之海市按海市
春夏之景即太

許慎註淮南
子云杓引也
亦作蜺
音同
其半半天其蜚者類闕旗索隱曰蜚音五結反

故鉤雲句曲正義曰句音古侯反諸此雲見以五色

合占而澤搏密正義曰崔豹古今注云黃帝與蚩尤戰於涿鹿之野常有五色雲氣

金枝玉葉止於帝上有花蔕之象故因作華蓋也

京房易北候云視四方常有火雲五色一本及作乃字與其下賢

人隱也青雲潤蔽日在西北為舉賢良也其見動人及有占兵必起合

關其直金名王朔所候決於日旁日旁雲氣人主象正義

無字在日西天子之氣日洛書云有雲象人青衣皆如其形以占故北夷

之氣如羣畜穹閭索隱曰鄒氏云一作弓閭天文志作弓字音穹蓋謂以氈為閭

崇穹然而宋均云穹獸名亦異說也南夷之氣類舟舡幡旗大水處

敗軍場破國之虛下有積錢徐廣曰古作泉字金寶之上

皆有氣不可不察海旁振氣象樓臺廣野氣成宮

闕然雲氣各象其山川人民所聚積正義曰淮南子云土地各

以類生人是故山氣多勇澤氣多清風氣多龍林

氣多蹇木氣多偃石氣多力險阻氣多壽谷氣多

痺丘氣多狂廟氣多仁陵氣多貪輕土多利足重

土多遲清水音小濁水音大湍水人重中土多聖

人皆象其氣故候息耗者入國邑視封疆田疇之

正治如淳曰蔡邕云麻田曰疇城郭室屋門戶之潤澤次至車

服畜產精華實息者吉虛耗者凶若煙非煙若雲

非雲郁郁紛紛蕭索綸困是謂卿雲正義曰卿音慶卿雲

見喜氣也若霧非霧索隱曰霧音如字一音蒙又衣冠而不濡見則其域被甲而趨夫

應曰霧言蒙昧不明也

史記卷五十七 天官書

蝦中位柯王

天中位柯王

枯宮中位柯王殿本臺
枯宮亦本臺柱作臺枯

殿本位迎也云亦作
隱文

中位柯王本提行

云中位作名
趨中位作趣

史公所謂樓臺
宮闕之氣也而
人馬往來之狀
即晉志所謂魯
雲如氣秦雲如
行人者也

按漢書水澹地
長澤竭見象為
是
按漢書閨臬作
潤息

按天文志其作
與化作訛

雷電蝦虹辟歷夜明者陽氣之動者也。春夏則發
秋冬則藏。故候者無不司之。天開縣物。孟康曰謂
天裂而見
物象夫開地動圻絕。正義曰趙世家幽繆王遷五
平陰臺屋牆垣大半壞山崩及徙川塞谿垞。徐廣
地圻東西百三十步雍曰垞音服駟案孟康曰谿
谷也垞崩也蘇林曰垞流也。水澹澤竭地長見象
城郭門閭閨臬枯橐宮廟邸第人民所次。謠俗車
服觀民飲食五穀草木觀其所屬倉府廩庫四通
之路六畜禽獸所產去就魚鼈鳥鼠觀其所處。鬼
哭若呼其人逢倍化言。倍迎也伯莊曰音五故反
索隱曰逢倍謂相逢而驚
也。倍亦作迅音同化誠然。當為訛字之誤耳

谿柯王記

凡候歲美惡謹候歲始。歲始或冬至日產氣始萌
臘明日人眾卒歲一會飲食發陽氣故曰初歲正
月旦王者歲首。立春日四時之卒始也。索隱曰謂
去年四時之終
卒今年之始也四始者候之日。正義曰謂正月旦
之始月之始故云四始言
以四時之日候歲吉凶也而漢魏鮮集臘明正月
旦決八風。孟康曰魏鮮人
姓名作占候者風從南方來大旱西南
小旱西方有兵西北戎菽為。孟康曰戎菽胡豆也
為成也○索隱曰韋昭云戎菽大豆也又郭璞註
爾雅亦云胡豆與孟康同。小雨。徐廣曰一無
此上二字趣
兵。索隱曰趨音促謂風從西北來則戎
菽成而又有小雨則其國趣兵起也北方為中
歲東北為上歲。韋昭曰
歲大穰東方大水東南民有疾疫

臘中位柯王

一中位作古
此兩字中位
柯王記

史記卷之七

卷之七

吳校剛有雨三字

殿本日當其時者句無日字

殿本無則字

殿本雨詛兩字厚考證據漢書天文志及本注改

又云注殿正字據天文志增

二十八宿中後本作三十六宿 閣本正義失寫十字

卷之三十一 天官書

歲惡。故八風各與其衝對。課多者為勝。多勝少。又勝亟。疾勝徐。旦至食為麥。食至日昃為稷。昃至舖為黍。舖至下舖為菽。下舖至日入為麻。欲終日有雨。有雲有風有日。正義曰正月旦欲其終一日有風有日則一歲之中五穀豐熟無災害也。日當其時者。深而多實。無雲有風。日當其時。淺而多實。有雲風無日。當其時。深而少實。有日無雲。不風。當其時者。稼有敗。如食頃。小敗。熟五斗米。頃大敗。則風復起。有雲。其稼復起。各以其時用雲。色占種其所宜。其雨雪若寒。歲惡。是日光明。聽都邑人民之聲。聲宮則歲善吉。商則有兵。徵旱。羽水。

雨占

太歲占

角歲惡。或從正月旦比數雨。

索隱曰比音鼻律反。數音踈舉反。謂以比

數日。以候一歲之雨。以知豐穰。

率日食一升至七升而極。

孟康曰。月一日

雨。民有一升之食。二日雨。民有二升之食。如此至七日。

過之不占。數至十二

日。日直其月。占水旱。

孟康曰。月一為其環城千里。

內占則其為天下候。竟正月。

孟康曰。月一為其環城千里。內占則其為天下候。竟正月。

孟康曰。月一為其環城千里。內占則其為天下候。竟正月。

可占天下。正義曰。按月列宿。日風雲有變。占其國并太歲所在。則知其歲豐稔水旱饑饉也。月

所離列宿。

索隱曰。韋昭云。離歷也。

日風雲占其國。然必察太

歲所在。在金穰。水毀木。饑火旱。此其大經也。正月

上甲。風從東方。宜蠶。風從西方。若旦黃雲惡。冬至

短極。縣土炭。

孟康曰。先冬至三日。縣土炭於衡兩端。輕重適均。冬至日。陽氣至。則炭重。

史記卷三十一

天官書

九

趙其

也中後本有

飢何本

要決 中統柯王作法要

及至五家 索隱曰云云
中統柯王本
三代正義曰云云
柯王本

土炭占

楊慎曰泉出躍即
月令水泉動
按冬至日古人
以土圭測日之
晷景以觀長短
正義與歲星並
注誤

一 中統作五

夏至日陰氣至則土重晉灼日蔡邕律曆記候鍾
律權土炭終至陽氣應黃鍾通土炭輕而衡仰夏
至陰氣應蕤賓通土炭重而
衡低進退先後五日之中 炭動鹿解角蘭根出

泉出躍略以知日至要決畧景歲星所在五穀逢
昌其對為衝歲乃有缺 正義曰言畧景歲星行不
失次則無災異五穀逢其
昌盛若畧景歲星行而失舍有
所衝則歲乃有殃禍災變也

太史公曰自初生民以來世主曷嘗不曆日月星
辰及至五家三代紹而明之 索隱曰案謂五紀歲
月日星辰曆數各有

一家顛學習之故曰五家也 正義曰五家黃帝
高陽高辛唐虞堯舜也三代夏殷周也言生民以
來何曾不曆日月星辰及至五帝
三王亦於紹繼而明天數陰陽也 內冠帶外夷狄

分中國為十有二州仰則觀象於天俯則法類於

機 諸本皆記 王本作機

歸有光曰太史公
凡叙來歷必宗孔
子孔子六經之宗
而班謂其後六經
妄矣

地天則有日月地則有陰陽天有五星地有五行
天則有列宿地則有州域三光者陰陽之精氣本
在地而聖人統理之幽厲以往尚矣所見天變皆
國殊窟穴家占物怪以合時應其文圖籍機祥不
法 正義曰機音機顧野王云機祥吉凶之先見也
按自古以來所見天變國皆異具所說不同及
家占物怪用合時應者書其文并圖籍凶吉並不
可法則故孔子論六經記異事而說其所應不書
變見之 是以孔子論六經紀異而說不書至天道
蹤也 命不傳傳其人不待告 正義曰待須也言天道性
命忽有志事可傳授之則

傳其大指微妙自在 告非其人雖言不著 正義曰
天性不須深告語也 昔之傳天數
反著明也言天道性命告非其人雖
為言說不得著明微妙曉其意也

趙其

楚汪校改變者汪改是

閔本楚入上有廿公二字

石中統柯王注同

者高辛之前重黎

正義曰左傳云蔡墨曰少昊氏之子曰黎為火正號祝融即火

行之官

於唐虞羲和

正義曰羲氏和氏掌天地四時之官也

有夏昆

吾

正義曰昆吾陸終之子虞翻云昆吾名楚為已姓封昆吾世本云昆吾衛都也

殷商巫

咸

正義曰巫咸殷賢臣也本吳人冢在蘇州常熟海隅山上子賢亦在此也

周室史佚

萇弘

正義曰史佚周武王時太史尹佚也萇弘周靈王時大夫也

於宋子韋鄭

則裨竈

正義曰裨竈鄭大夫也

在齊甘公

徐廣曰或曰甘公名德也本是魯人

魏后申

正義曰七錄云楚人戰國時作天文星占八卷

楚唐昧趙尹臯

夫天運三十歲

正義曰七錄云后申魏人戰國時作天文八卷也

一小變百年中變五百載大變三大變一紀三紀

而大備此其大數也為國者必貴三五索隱曰三五謂三十

歲一小變五百歲一大變

上下各千歲然後天人之際續備太

史公推古天變未有可考于今者蓋略以春秋二

百四十二年之間

正義曰謂從隱公元年至哀公十四年獲麟也隱公十一年桓

公十八年莊公三十二年閔公二年僖公三十三年文公十八年宣公十八年成公十八年襄公三

十二年昭公三十二年定公十五年哀公十四年凡二百四十二年也

日蝕三十六

正義曰謂隱公三年二月乙巳桓公三年七月壬辰朔十七年十月朔莊公十八年三月朔二十五

年六月辛未朔二十六年十二月癸亥朔三十年九月庚午朔僖公五年九月戊申朔十二年三月

五年六月辛卯朔宣公八年七月庚子朔十年四月丙辰朔十七年七月丁巳朔襄公十四年二月乙

未朔十五年八月丁巳朔二十年十月丙辰朔二十一年九月庚戌朔十月庚辰朔二十三年二月

二王本作一

月閏柯王本

史記卷之七

天官書

嚴春

嚴春

人柯說又

曰詳林別本

飲 劉王本有

二 劉王本三

五 吳校改六

按考要云春秋无彗星之書太史公所引蓋指星孛也公羊傳曰孛者何彗星也郭璞亦釋彗為孛言星形孛孛似彗也然齊世家景公見彗星而嘆晏子謂彗星將出彗星何惧乎非即孛也新書亦云日之精變為孛月之精變為彗則彗孛原二星特其類似而占

癸酉朔二十四年七月甲子朔八月癸巳朔二十七年十二月乙亥朔昭公七年四月甲辰朔十五年六月丁巳朔十七年六月甲戌朔二十一年七月壬午朔二十二年十二月癸酉朔二十四年五月乙未朔三十年十一月辛亥朔定公五年三月辛亥朔十二年十一月丙寅朔十五年八月庚辰朔凡三彗星三見。正義曰謂文公十四年七月有星孛于大辰哀公十三年有星孛于東方宋襄公時星隕如雨。正義曰十五年正月戊申天子微諸侯力政。徐廣曰五伯代興。正義曰趙岐注孟子云齊桓晉文秦穆宋襄楚莊也。更為主命自是之後衆暴寡大并小秦楚吳越夷狄也為彊伯。正義曰秦祖非子初邑於秦地在西戎楚子鬻熊始封丹陽荆蠻吳太伯居吳周章因封吳號勾吳越祖少康之子初封於越以守禹祀地稱東越皆戎夷之地故言夷狄也後秦穆楚莊吳闔閭越勾踐皆得封

同耳 楊慎曰春秋星隕如雨魯莊七年非宋襄時正文註非

按此七國即七雄自諸侯僭王故曰相王若漢七國則本王耳且于縱橫等說无干正文注非

為伯 田氏篡齊。正義曰周安王二十三年齊三家分晉。正義曰周安王二十六年魏武侯韓文侯趙敬侯共滅晉靜而三分其地。竝為戰

國爭於攻取。兵革更起。城邑數屠。因以饑饉疾疫焦苦。臣主共憂患。其察機祥。候星氣尤急。近世十

二諸侯七國相王。正義曰王于放反謂漢孝景帝三年吳王濞楚王戊趙王遂濟

賢膠東王雄渠也。言從衡者繼踵。而臯唐甘石。因時務論其書傳。故其占驗。凌雜米鹽。正義曰凌雜細碎也。言臯唐甘石等因時務論其書傳中災異所記錄者。故其占驗交亂。細碎其語。在漢書五行志中。二十八舍主十二州。正義曰二十八舍謂東方斗牛女虛危室壁西方奎婁胃昂畢觜參南方井鬼柳星張翼軫星經云角元鄭之分野兗州氏

壁 柯王本下同

飢 劉王本有

房心宋之分野豫州尾箕燕之分野幽州南斗牽牛吳越之分野揚州須女虛齊之分野青州危室壁衛之分野并州奎婁魯之分野徐州胃昂趙之分野冀州畢觜參魏之分野益州東井輿鬼秦之分野雍州柳星張周之分野三河翼軫楚之分野荆州也斗秉兼之正義曰言乘十二辰兼十二州二十八宿自古所用從來久遠矣秦之疆

也候在太白占於狼弧正義曰太白狼弧皆西方之星故秦占候也吳

楚之疆候在熒惑占於鳥衡正義曰熒惑鳥衡皆南方之星故吳楚之

占候也鳥衡柳星也一本作注張也燕齊之疆候在辰星占於虛危正義曰辰星虛危皆北方之星故燕齊占候也宋鄭之疆候在歲星占於

房心正義曰歲星房心皆東方之星故宋鄭占候也晉之疆亦候在辰星

占於參罰正義曰辰星參罰皆北方之星故晉占候也及秦并吞三

晉燕代自河山以南者中國正義曰河黃河也山

河以南為中國於四海內則在東南為陽正義曰九夷八狄七戎六蠻謂之四海之內中國從河山東南為陽也陽則日歲星熒惑

填星正義曰日人質反填音鎮日陽也歲星屬東方熒惑屬南方填星屬中央皆在南及東為

也占於街南畢主之正義曰天街二星主畢昂主

北為夷狄之國其西北則胡貉月氏諸衣旃裘引

弓之民為陰正義曰貉音陌氏音支從陰則月太

白辰星正義曰月陰也太白屬西方辰占於街北

昂主之正義曰天街星北為夷狄故中國山川東

北流其維首在隴蜀正義曰言中國山及川東北

流行若南山首在崑崙蔥嶺

世非

填

蔥嶺

柯本訛竭
評林別本訛

此按山川脈絡如

東北行連隴山至南山華山渡河東北盡碣石山
黃河首起崑崙崙山渭水岷江發源出隴山皆東北
東入渤尾沒于勃碣是以秦晉好用兵韋昭曰秦
海也晉西南維
之北為陰猶與胡貉引復占太白太白主中國正義
弓之民同故好用兵
日主猶領也入也星經云太白在北月在南中國
敗太白在南月在北中國不敗也是胡貉數侵掠
也而胡貉數侵掠獨占辰星辰星出入躁疾常主
夷狄其大經也此更為客主人正義曰更格行反
不出太白為客辰星出太白為主人辰星太白不
相從雖有軍不戰辰星出東方太白出西方若辰
星出西方太白出東方為格野雖有兵不戰合宿
乃戰辰星入太白中五日及入而上出破軍殺將
客勝不出客亡熒惑為亭外則理兵內則理政故
地視旗所指
曰雖有明天子必視熒惑所在索隱曰此案春秋
緯文耀鉞故云故

志字十統相王作勃

中侯柯王本秦始皇提行

吳後不日乃解元板作七日
用陳平秘計乃得解

也諸侯更彊時苗異記無可錄者秦始皇之時十
五年彗星四見久者八十日長或竟天其後秦遂
以兵滅六王并中國外攘四夷人如亂麻因以
張楚竝起三十年之間正義曰謂從秦始皇十六
年滅項羽則兵相駘藉蘇林曰駘音不可勝數自
三十二年矣蘇林曰駘音
蚩尤以來未嘗若斯也項羽救鉅鹿柱矢西流山
東遂合從諸侯西坑秦人誅屠咸陽漢之興五星
聚于東井平城之圍索隱曰漢高月暈參畢七重
索隱曰天文志其占者畢昴間天街也街北胡也
街南中國也昴為匈奴參為趙畢為邊兵是歲高
祖自將兵擊匈奴至平城為冒頓所圍七日諸呂
乃解則天象有若符契七重者主七日也

史記卷一百一十五

天官書

世宗

郡元口口船將軍口口口
口鮮 殿本有字格六字

星第于河 索隱曰戒兵

征大宛

柯本如若吳校增戒字未

河字下

星第于河 索隱曰戒兵

大宛

王本如若兵征大宛上堂

一格

作亂日蝕晝晦吳楚七國叛逆彗星數丈天狗過
梁野及兵起遂伏尸流血其下元光元狩蚩尤之

旗再見長則半天其後京師師四出正義曰元光

夫衛青等伐匈奴元狩二年冠軍侯霍去病等擊

胡元鼎五年衛尉路博德等破南越及韓說破東

越并破西南夷開十餘郡元年樓船將軍楊僕擊朝鮮也誅夷狄者數十年而

伐胡尤甚越之亡熒惑守斗正義曰南斗為朝鮮

之拔星菲于河戒索隱曰菲音佩即李星也天文

其占曰南成為越門北成為胡門其後漢兵擊拔

朝鮮以為樂浪玄菟郡朝鮮在海中越之象居北

方胡之域也其河兵征大宛星菲招搖正義曰招

戍即南河北河也此其犖犖大者索隱曰犖音

北斗杓端主胡兵也占角變則兵革大行

事之分 若至委曲小變不可勝道由是觀之未有

明也 不先形見而應隨之者也夫自漢之為天數者星

則唐都氣則王朔占歲則魏鮮故甘石曆五星法

唯獨熒惑有反逆行逆行所守及他星逆行日月

薄蝕孟康曰日月無光曰薄京房易傳曰日赤黃

為薄蝕皆以為占余觀史記考行事百年之中五

星無出而不反逆行反逆行嘗盛大而變色日月

薄蝕行南北有時此其大度也故紫宮正義曰房

心正義曰權衡正義曰咸池正義曰虛危正義曰

列宿部星正義曰五宮列此天之五宮坐位也為

楊慎曰未有不先
形見而應隨之一
句一篇要語鎖盡
上下文意

交中法作德

閣本正義失寫西宮也三
字王本亦脫
官閣王本作宮
星王本作宿

按考要云紫宮
即天極之中宮
也東南西北列
之為五二十八
宿麗馬五宮定
位躔度有常是
之謂經辰星為

中統本改情樣少一其字

巫中統作極

水星主北方斗
牛女虛危室壁
七宿榮惑為火
星主南方鬼柳
星張翼軫六宿
填星為土星土
主季夏獨主南
方井宿太白為
金星主西方奎
婁胃昂畢觜參
七宿歲星為木
星主東方角元
氏房心尾箕七
宿五星佐五官
見伏有時贏縮
有度是之謂經
緯

經不移徙。大小有差。闊狹有常。孟康曰：闊狹若三台星相去遠近。

水火金木填星。徐廣曰：木火土三星。若合是謂驚位絕行。此五星者。天

之五佐。正義曰：言水火金木土五星佐天行德也。為經緯。見伏有時。正義曰：五星行南北為經。東西為緯也。

變省刑。星變結和。凡天變過度。乃占國君疆大有

德者昌。弱小飾詐者亡。太上修德。其次修政。其次

修救。其次修禳。正下無之。夫常星之變。希見。而三

光之占。亟用日月暈適。徐廣曰：適者災變咎徵也。李斐曰：適見災于天。劉向

以為日月蝕及星逆行非太平之常。自周衰以來。人事亂。故天文應之。遂變耳。駟案孟康曰：暈日旁

氣也。適日之將食。先有黑氣之變。雲風。此天之客氣。其發見亦有

大運。然其與政事俯仰。最近大人之符。此五者。天

之感動。為天數者。必通三五。索隱曰：三謂三辰。五謂五星也。終始

古今深觀時變。察其精粗。則天官備矣。

蒼帝行德。天門為之開。索隱曰：謂王者行春令。布德澤。被天下。則土應靈威。

仰之帝。而天門為之開。以發德化也。天門即左右

角間也。○正義曰：為下為反。下同。蒼帝東方靈威

仰之帝也。春萬物開發。東作起。赤帝行德。天牢為

之空。禮封諸侯之地。則是赤帝行德。夏陽主舒散。

故天牢為之空。則人生當赦過宥罪者也。○正義曰：赤帝南方赤熒怒之帝也。夏萬物茂盛。功作大

興。則天施德惠。天牢為之空。虛也。天牢六星在北斗魁下。不對中台。王秉禁暴亦貴人之牢也。黃

帝行德。天矢為之起。正義曰：黃帝中央合樞紐之

帝。季夏萬物盛大。則當大赦。

殿本圖本中統王本亦帝提
行下黃帝白帝黑帝天行
德亦提行

天中統王本作天

按星經云白帝行德天街為之圍注畢昂之間為天街

合養羣品也。風從西北來必以庚辛。一秋中五至大赦。

三至小赦。白帝行德以正月二十日二十一日月

暈圍常大赦。載謂有太陽也。一曰白帝行德。

日二曰謂占星之家異。畢昂為之圍。正義曰白帝

之帝也。秋萬物咸成則暈。圍三暮德乃成。不三暮

及圍不合德不成。二曰以辰圍不出其旬黑帝行

德。天關為之動。正義曰黑帝北方叶光紀之帝也。

天關一星在五軍南畢西北為天門日月五星所道

主邊事亦為限隔內外障絕往來禁道之作違者

占芒角有兵起五星。天行德。天子更立年。案天謂

北極紫微宮言王者當天心則北辰有光輝。不德

辛中後作申

叶函王作協

王本索隱連寫本同

天官書第五史記注文
天官書 史記卷之二十七

風雨破石。三能三衡者天廷也。索隱曰上云南宮

三光之廷則三衡者即太微也。其謂之三者日月

五星也。然斗星第六第五亦名衡。又參三星亦名

衡。然竝不為天廷也。正義曰晉書天文志云三

台主開德宣符也。所以和陰陽而理萬物也。三衡

者北斗魁四星為璇璣杓三星為玉衡。人君之象

號令主也。又太微天子宮庭也。太微為衡。衡主平

也。為天庭。理法平辭理也。按言三台三衡者皆天

帝之庭。號令舒散平理也。故言三台三衡言若有

客星出三台三衡之廷。必有奇異教令也。客星出天廷有奇令。

也王本無

天官書 四十七 錢

史記評林卷之二十七

史記評林卷之二十七

終

